

JOANNIS FABRICI
ORATIO
INAUGURALIS DE
UTILITATE QUAM
THEOLOGIAE...

Johann Fabricius, Valenti Gonzaga



VIRIS

GENEROSIS, MAGNIFICIS, MAXIME
STRENVIS AC PRVDENTISSIMIS,

DNN.

DVVMVIRIS,

TRIVMVIRIS,

SEPTEMVIRIS,

& cæteris Inclutæ Reipublicæ Norimb.

SENATORIBVS,

^{optimis}

PATRIÆ PATRIBVS,

DOMINIS ET MÆCENATIBVS

Suis devotè ac submissè colendus

JOANNES FABRICIVS


SALVTEM AC FELICITATEM

Quam post beatum optimè de Studiis tam Philosophicis
 quam Theologicis meriti Joannis Comradi Dürri obi-
 tum, munus in Academia Altdorffina publicè docen-
 di, *Vestra*, PATRES PATRIÆ, benignitate, mihi in
 Italia adhuc commoranti demandatum, literaq; Vocationis,
 Vestro jussu atq; auctoritate scripta, ad me perlata essent, sta-
 tim, cum faserat, non modo de regressu in Patriam, sed etiam de
 materia Orationis Inauguralis cogitare cœpi. Et fortè for-
 tuna in Itinerarium meum incidenti, quæq; in Germania, cum
 Superiore tum Inferiore, nec non in Belgio, & Italia nota ve-
 ram, relegenti, visum est, haud malè facturum, si fructum,
 quem è tali peregrinatione habere potest Theologia Cultor, in-
 dicarem atque ostenderem. Verùm mox deprehendens, mul-
 titudine rerum me obrui, atq; Orationem, si pergerem, in vo-
 lumen excreturam; relictus Germania Belgiq; terminis, intra
 solius Italiae fines me continui. Attamen nec de hac etiam o-
 mnia, quæ Sacrarum Musarum filiis utilitati atq; ornamen-
 to esse possunt, adducere, sed potissima duntaxat delibare
 licuit: quando enim aliàs ad finem per ventum esset Orationis?
 Sed & quò prolixior ea fuisset, eò plus olei & opera perdidis-
 sem: Nam (ne Vos infortunium meum celem, DOMINI
 faventissimi) conscriptam in Italia usq; ad Exordium, &

cum aliis rebus, quæ in Itinere necessaria sunt, hippopera inclusam, furaces nescio cuius manus, viâ inter Augustam Vindellicorum & Norimbergam mediâ, mihi abstulere: Vt adeo postea actum agere, & Orationem denuo componere coactus fuerim. Quod quidem valde mihi laboriosum fuit, ne dicâ durum, quoniam nec Itinerarium ad manus erat, nec inde petita Excerpta; illud enim in Italia tum harebat, hac verò juxta cum Oratione perierant. Veruntamen Deo duce, memoriaq; feliciter & argumenta & res, quibus illa quasi exemplis illustrantur, suggerente, ita successit labor, ut mox renatam & quasi repertam Orationem meam cernerem. Quumq; postea predicti quoq; Itinerarii liber allatus esset, Inscriptiões & alia lectu digna exinde depromere, atq; adeo Notas, quæ Orationi lumen fœnerarentur, adjicere licuit lubuitq;. Vobis autem, MÆCENATES atq; PROMOTORES optimi, utrumq; illud, utpote Academici mei laboris primitias, offero jam & consecro, ut publicum gratitudinis observantiaq; erga Vos mea exstet monumentum; ac Divinum Numen pariter veneror, det atq; conservet VOBIS, quicquid ad perpetuam Patriæ Salutem, pacatum & tranquilum Regimen, diuturnam corporum Sanitatem, veram animorum Latitiam, & magnum Illustrium Familiarum Vestrarum Decus atq; Augmentum potest facere.

Altdorffl è Museo Idibus Maji A. C.

MDCLXXVIII.




I. Sanctus Panis

ΑΓΙΟΣ ΑΡΤΟΣ



II. ΛΟΓΧΗ

Lancea




III. ΔΙΣΚΟΣ


Discus




IV. ΑΣΤΗΡ
Stella



VII. Nummus Lotionis pedum



III. Nummus Jubilæi sive Portæ Sanctæ .



Counters



Les Monnaies de France



Collection



PROGRAMMA.

L. S. E. O.



Apiens quidam inter complura memorabilia dicta etiam hoc habet: *Cui Peregrinatio dulcis est, amara Patria: Cui dulcis Patria, amara Peregrinatio.*

Quod si quis ita nudè et crudè accipere, atque inde colligere vellet, eos qui peregrè abeunt, Patriæ oſores, adèoque nullum omninò Peregrinationis fructum eſſe, nã is alienam accuratiſſimo Viro mentem affingeret, & magnũ ſtatueret absurdum: Locutus enim is eſt non de omnibus, ſed de iis tantum, qui leges ac fines peregrinandi non obſervant; & omnes omnium temporum Sapientes multiplicem Peregrinationi utilitatem animoſè adjudicârunt, aut Ipi etiam ei operam dederunt, quemadmodum de Homero, Orpheo, Eudoxo, Democrito, Pythagora & Platone conſtat. Certè non Civilis tantum Prudentiæ, ſed & Salutaris Scientiæ ac laudatiſſimæ Philoſophiæ Cultoribus utiliſſimam illam eſſe ac fructuoſiſſimam, haud facilè quiſquam dubitaverit: At de noſtris Theoſophiæ Studioſis fortè non adèoli- quida res eſt, utrum iis expediat, abſoluto ſtudio-

A

rum

rum suorum curriculo oras adire atque per-
 strare peregrinas, præcipue si earum incolæ à no-
 bis in Religione dissentiant, quales hodiè præter
 alios sunt Itali. Mihi quidem examinatis hinc in-
 de rationibus videtur, *Iter Italicum Theologia*
Studiosis multum commodi afferre, idq; Oratione
 Inaugurali, pro recepta consuetudine, Lectioni-
 bus publicis præmittenda ostendere conabor,
 atq; ad eam Diei crastinæ horâ nona antemeridi-
 anâ in Auditorio Majori benevolè audiendam
 omnes Musarum fautores, singulatim verò

Magnificum DN. RECTOREM,

Per illustrem & Generosissimum DN. BARONEM,

Excellentissimos PATRES ACADEMICOS,

Clarissimos DIVINÆ pariter atque HUMANÆ SAPIEN-

TIÆ CVLTORES

Nobilissimosque & Ornatissimos DNN. STUDIOSOS

observanter, officiosè, humaniter

invito, rogo, expecto

tanti favoris atque amoris nunquam immemor
 futurus

JOANNES FABRICIUS S. THEOL. P. P.

P. P. Altdorff I D. iv. Martii A. O. R.

M. D. C. LXXIIX.

Oratio.

ORATIO.

Magnifice DN. RECTOR,

Excellentissimi PATRES ACADEMICI,

Clarissimi, Nobilissimi atque Pereximii MVSA-
RVM CVLTORES,

FAVTORES atque AMICI honoratissimi,
suavissimi.

EQuidem si liberum esset, partes Oratoris jam sive in me recipere, sive à me remove, hoc potius quàm illud facturus essem; idque non sine ratione. Nam si vos, qui ad audiendum convenistis, & partim jam præditi estis magna eruditione, partim ad eam adspiratis, nil expectatis nisi eruditum, vereor ut expectationi vestræ satisfacere possim, qui eruditionem non tam in me reperio, quàm in aliis colo atque veneror. Deinde locum hunc semper à perfectis Oratorib⁹ caluisse memini, in quorum numerum absit ut ego me referam, qui in arte dicendi, Latine cum primis, jam diu non exercitatus fui, imò, si quid in ea valui, quum in hoc essem Athenæo, postea apud externos pænè dedidici, & linguæ barbaræ studio (ita enim Italicam respectu Latinæ, more veterum appellare liceat) sensim sine sensu barbariem mihi contraxi. Attamen dicendum mihi est hodie, coram Vobis, Auditores, hoc ipso in loco, idque ex recepta consuetudine, quæ nemini ad Lectiones publicas aditum permittit, nisi aliqua iis oratione proluserit. Quantumvis igitur nec locum hunc eleganti sermone ornare, nec auribus Vestris exquisitoris doctrinæ nectar propinare valeam, spero tamen fore, ut lubentes me audituri sitis, quoniam Consuetudini Vestræ, ceu fas & æquum est, me submitto, atque ejusmodi argumentum

A 2

tracta-

tractaturus sum, quod non Theologis tantum ac Theologia Studio-
sis, sed & reliquarum Facultatum tum Doctoribus tum Discipulis,
nisi omnia me fallunt, auditu jucundum erit. Dum enim demonstra-
re conabor aliquot argumentis, Theologiae Candidato iter Italicum
multum utilitatis asserere, adeoque neminem, qui sacris literis ope-
ram navans ejusmodi iter suscipit, aut inde revertitur, si cætera
rectè se gesserit, propter id culpandum, sed potius laudandum esse,
licebit pariter interere, quæ & reliquos delectare, si non juvare, pos-
sint. Agite ergo, Auditores omnium Ordinum honoratissimi, im-
plete spem meam, & vacivas mihi aures præbete.

*Iter Itali-
cum Theo-
logia Stu-
dio utile
est*

Non uno, sed multis modis Peregrinatio per Italiam instituta
S. Theologiae Studio utilis atq; salutaris esse potest. Ut a-
deò mihi non tam de argumentis pro ea conquirendis anxie
laborandum sit, quàm hoc potius agendum, ut eorum habeam de-
lectum, & potissima saltem percurram.

*I.
ad Ritus
& Super-
stitiones
adversa-
rum Ec-
clesiarum
observan-
das*

Primum autem hoc mihi dabitis, Auditores, Theologiae alu-
minum non sive modò, sed & aliarum Ecclesiarum ritus atque cere-
monias, imò & superstitiones adversarum partium cognitae habere
debere; quandoquidem ei sive in suggestu sive in Cathedra docturo
frequens de istis differendi offeretur occasio. Vbi verò fertilior ea-
rum leges est, quàm in Ecclesia Græca & Romana, quam utramque
Italia hodiè sinu suo fovet, hanc quidem, ut Mater, illam verò, ut
Noverca?

Græcorum templum ingredienti, oculosque huc illuc circum-
ferenti statim occurrunt multæ Divorum *imagines*, non (ut apud
Pontificos) sculptæ, sed pictæ tantum, aut (a) levi sculptura effictæ:
ab illis enim tanquam à Deo prohibitis religiosè abstinere, hæc in-
terim divinum cultum præter Dei mandatum deferentes. Peculia-
rem etiam modum in *Divorum Salutatione* observant: Ante enim
quàm certum locum occupet, in medio templi consistunt, facie versus
Sanctuarium versa, nec unico sanctæ crucis signo contenti vel decem
aut triginta faciunt manu fronti, pectori genibusque admoda, &
cum tanta corporis agitatione & dejectione capitis, ut metuas, ne
aut cerebrum effundant, aut spinam dorsi disrumpant. *Sacra* eorum
potissimum consistunt in Missa & precibus vespertinis, nec minùs
quàm apud Pontificios in lingua populo ignota fiunt: Græci enim
hodierni linguam veterem, quæ sacra eorum officia, atque ipsa etiam
Scriptura sacra & SS. Patrum libri constant, non magis intelligunt,
quàm

quàm Italarum quispiam Latinam, aut nos Belgicam. Apud eos, qui Venetiis sunt, ne unica quidem toto anno habetur concio, quia (ut ipsi ajunt) Ecclesia non habet, unde Concionatorem alere possit. Mirum sane! quum habeat, unde cereos ad Sacra & Processiones comparet, & aliquot Sacerdotes alat, qui modulando & sacrificando officium peragunt. *Missam* quotidie celebrant, sed semel duntaxat, nec publice, sed in abscondito, in Sanctuario nimirum, quod interjecto pariete à reliquo Chori separatur. Est ibi Altare, atque ad latus ejus dextrum Mensa Propositionis, in qua Eucharistiæ fit præparatio. Panem adhibent fermentatum, eumque à Sacerdotis uxore aut alia quadam muliere, quæ non sit impura, coctum, cui effigies crucis impressa, cum sex literis Græcis majusculis, quæ hoc significant: *Ἰησοῦς Χριστὸς Νικᾷ, Iesus Christus vincit*; Idque (b) Sigillum nuncupant. Postquam igitur Diaconus sanctum discum, in quo panis reponitur, ad sinistram præparavit, calicem verò & alia ad dextram, Sacerdos panem sumit in sinistram, dextra verò (c) lanceam, & cum ea signum crucis faciens super Sigillū dicit ter: *In memoriam Domini Dei & Salvatoris nostri Iesu Christi*. Et statim infigit lanceam in dextram partem Sigilli, eamque discindit, mox idem faciens in sinistra, & superiore atque inferiore parte. Porro immittens sanctam lanceam ex obliquo dexteræ partis Oblatæ extollit sanctum panem, ut significet sublatam de terra vitam Christi; postea eum ponit in disco supinum, immolationis indicandæ causa; & pungit in dextra parte sancta lancea, ad denotandum id, quod Christo mortuo fecit unus militum, qui lancea sacratissimum ejus latus perfodit. Hic jam Diaconus infundit in sanctum calicem vinum & aquam simul. Et Sacerdos particulas è sacro pane cuspide lanceæ erutas (d) in sancto disco secundum ordinem ponit, majorem quidem in memoriam B. Virginis Mariæ, minores in honorem Sanctorum, rursusque minores pro demortuis suis, pro seipso & pro quibus vult viventibus, memorato eorumque nomine. Atque omnes istas particulas educit ex uno pane: Si verò plures fuerint à populo oblatis, è secundo effodit eam, quæ Matri Servatoris nostri, è tertio eas, quæ Sanctorum gloriæ, è reliquis eas, quæ defunctis, sibi quæ & aliis viventibus conlectandæ sunt. Mox (e) asteriscum suffumigatum super panem ponit, sacra tribus velis contegit, capiti imponit manibusque tenet, atque ita præferente calicem Diacono, è porta Propositionis exit, & facta sinuosa per Chorum via (ut memoria delati ad sepulchrum cor-

poris Christi repræsentetur) per Scevophylacii portam rursus ingreditur, & Missam ad Altare, reliquis extra Sacrarium Sacerdotibus *aristote* concinentibus, sulcipit peragiturque. Vbi imprimis observandum est, quod, sicut Diaconus alterum & vela à sanctis removet, & (f) flabellis super ea reverenter ventilat, ne sacra symbola à mulcis conspurcentur, præterea circa Sacram Mensam sive Altare suffumigat, & à Diptychis sive duabus tabulis, Mortuorum & Vivorum ibi descriptorum memoriam agit, factaque jam consecratione, ad fidei fervorem denotandum, aquam fervidam vino miscet, & finita Missa particulas panis sancti, quas *aristote* appellant, vel ipse populo distribuit, vel distribuendas Episcopo exhibet; ita Sacerdos post benedictionem hostiam elevet, in quatuor partes diffingat, in calicem immittat, & mysteria Eucharistiæ in calice ita commixta, beneficio (g) cochlearis parvuli (cujus manubrium tenue & oblongum, crucicula in extremitate ornatum est) communicare volentibus simul dispenset. Mitto jam alios ritus, quos iidem Græci in *Hebdomada Magna* & præcipuis festis usurpant, inprimis festo Paschatis, quo Episcopus sacris vestibus operose induitur, Evangelium ab eodem sub porta Sanctuarii, & duobus Sacerdotibus, altero in media, altero in ultima templi parte stantibus prælegitur, & ad singulos versiculos, postquam signum campana datum est, extra sanctam ædem pulveris nitrati accensione lætitiæ tonitrua eduntur; & denique Osculum Pacis exercetur, ita quidem, ut Sacerdoti primario & genas & frontem, & manum, quemque ea tenet, codicem Evangelii, reliquis omnia præter genas, at Laicis non nisi Evangelium & manum Episcopi basiare, mutuaque sibi invicem oscula figere liceat.

Apud *Maronitas* quoque sive Syros (quales Romæ reperiuntur) miras observes ceremonias, præcipue *die Palmarum*, quo Palmæ loco olivam candelulis cereis plenam, atque ad Altare positam, suavi modulatione præmissa, in templo circumferunt, & in suo loco repositam, quotquot adsunt, hominibus diripiendam exponunt. Hic dum quisque egregium ramos decerpere nititur, alter alterum vel longe protrudit, vel planè in terram projicit: alius pro oliva ærem capit, alius manum à candelulis usam cum clamore retrahit, & tandem omniscætus in risum, imò vero cachinnum solvitur, ut crederes, non in Domo Dei te esse, sed in theatro.

Quod *Pontificia Ecclesia ritus* attinet, illorum quidem plurimi aliis in locis cerni possunt, in ipsa etiam nostra Urbe patria, at

non omnes, nec ullibi melius quàm Romæ, unde tanquam rivuli è fonte profluxerunt. In horum censum refero *ceremonias in Capella Pontificis* usitatas, quarum pax nè nullus est finis; (b) *Creationes* sive *Sanctorum* sive *Beatorum*; consecrationem plantularum cerearum, quæ à figura Agni ipsius impressa (i) *Agnus Dei* appellantur; (k) *Rose & Gladii Benedictionem*; celebrationem (l) anni *Jubilai*, & quæ tum potissimum instituuntur *Processiones* tam in honorem Sanctorum, quàm ad recipiendos peregrinos; & ea denique, quæ in *Die Cœna Domini* sive Viridum quorannis fiunt, ubi Papa habitu Pontificali amictus & super porticum Basilicæ D. Petri sedens, prælecta à Cardinali Archi-Diacono Bulla Cœnæ Domini, qua miseri nos, scilicet cum aliis quibuscunque ab ipso dissentientibus & tyrannidem ejus recusantibus, (m) excommunicamur, ceterum ardentem ex alto projicit, ut indicet, ita se fulmine adversarios suos tactos velle; quod tamen illi non in agis sentiunt, ac brutum aliquod Jovis fictitii. Mox idem tredecim peregrinis, candida veste amictis, dicamne, ad imitationem Christi? non pedes lavat, sed pedem duntaxat dextrum, imò ne hunc quidem lavat, sed pauxillo aquæ rosacæ aspergit, iisque (n) nummo aureo & argenteo donatis, ad mensam lautissimis epulis instructam ita ministrat, ut fastus potius luxusquæ quàm humilitas inde eluceat. O cœcæ superstitionem! Sed eam magis se nobis conspiciendam præbet, quando jam è Vaticano Basilicam D. Petri ingredimur. Vbi primùm occurrit (o) *Porta sancta*, quam ipse Pontifex in principio anni Jubilai aperit, ut per eam intrantes, & certum precum numerum recitantes, Divosquæ & Divas salutantes veniam peccatorum consequantur: Hinc simplex plebecula magna cum devotione, & nonnulli genibus flexis intrant: Deinde in medio templi *S. Petrus*, ex ære formatus, qui sedens pedem alterum è pallio profert, tam dura interim cervicæ ac fronte adeò superciliosa, ut superbum potius Dictatorem esse jures, quàm humilem Apostolum, nec satis certò dixeris, ex amore, an ex metu cœca gens pedem ejus exosculetur: In Choro aut *Cathedra* (si credere fas est) *S. Petri*, quæ ære inaurato obducta à nobilissima (p) Ecclesiæ Veteris Doctorum quadriga, Athanasio, Chrysostomo, Ambrosio & Augustino sustentatur, & imminentem habet Spiritum, maximo Angelorum numero cœlestibusquæ splendoribus cinctum: opus sanè magnificum & ob sumptuosam elegantiam valdè æstimandum, sed idem superstitiosum arque ob adumbratio-

nem

nem infallibilitatis Pontificis abominandum. Similes sunt *aliorum Sanctorum effigies* siue pictæ siue sculptæ, quæ vel in eodem vel in reliquis templis visuntur, quorum quisque ut certi mali averruncus aut Medicus populo adorandus proponitur; (q) *Septem Templorum visitationes*; (r) *Processiones* solennes, & Ascensio per (s) *Scalam sanctam* non pedibus, sed genibus fieri solita, ut nescio quod meritum apud Summum & corporalium & Spiritualium bonorum Largitorem inde consequantur. Multa jam haberem dicenda de *Æde Lauretana*, in cujus medio (s) ædícula, aut cella potius, longa pedes circiter 40. lata 20. altitudine paululum latitudinem superante, marmoreis parietibus pulcherrimè cælatis forinsecus veltita, ipsa autem (ut intrinsecus videre licet) è coctis lateribus saxisq; ineleganter constructa, & muri ejus crebro attritu lævigati, veterique pictura obducti sunt, quæ supernè multis locis manet. In illo, quod templi fores spectat, latere fenestra est, qua ingressus Angelus D. Mariæ Virginei partus nuntium tulisse fertur; contra fenestram caminus neque amplus neque ornatus; post Altare, Virginis Filium sinistra manu amplexantis, dextra sustentis statua colitur, à S. Luca (ut ajunt creduli) è cædro sculpta oblitaque coloribus, & unâ cum cella siue ædícula Nazaretho in Dalmatiam, ac porro in hunc locum Angelorum manibus advecta. Sed fallor, an superstitionis hæc regia est? Huc enim omnis præne Europa, quæ Sanctorum cultui, Pontificiæque religioni addicta est, confluit, & à Diva illa, si Medici aut ars aut voluntas deficit, petit auxilium & quasi non sufficeret superstitionem gratis colere, quisque pro facultatum suarum modulo munus aliquid deponit; quod cum & Principum atque Monarcharum ingentia dona à multis jam inde annis accesserint, factum est, ut maximus stupendusque thesaurus fuerit collectus. Ex his, quæ hætenus dicta sunt, satis (nisi fallor) apparet, Theologiæ cultori, si Ritus & Ceremonias, imò & Superstitiones aliarum Ecclesiarum notare velit, in Italia minimè deesse materiam, adeoque iter illuc institutum hac in re fructu suo neutiquam carere. Neque est, quod fortè credatis superstitionis ejusmodi res ac ceremonias absq; simulatione, & quæ hinc oritur conscientiæ læsione observari non posse: nemo enim est, qui nos templo arceat, etiamsi nec aqua lustrali nos adspargamus, nec signum crucis faciamus, nec in genua procumbamus; dummodo à loco, in quo sacra fiunt, aliquantò simus remotiores, nec ea pro deridiculo habeamus. Quæ libertas

nisi concessa nobis esset, tantum abest, ut Theologiæ Candidato ejusmodi oblationes tanquam utiles commendarem, ut potius eum inde magnopere retraherem atque impedirem.

Deinde si eundem Historiarum, & imprimis tam Sacrarum quam profanarum cognitionem habere oportet, ubi quælo eam melius vel hauriat, vel de hausta confirmabitur, quàm in ipsa illa terra, ubi Ecclesia Christi olim floruit, & Imperii Romani sedes fuit? Et quod Antiquitates Ecclesiasticas attinet, illas Peregrinator noster non in ultima Italia quærendas habet, sed in medio etiam, imò & principio ejusdem invenire potest. Nam ubi Germania ab Atonia terminatur, pandit se Vrbs circumcirca montibus altissimis cincta, & Athesi flumine irrigata, in cujus templo Cathedrali Romanæ Ecclesiæ filii, præsentibus etiam Cæsaris Regumque Legatis, librum illum procuderunt, qui Pontificiæ Religionis hodiè Palladium est, atque ab Vrbe & (†) Congregatione ibi habita Concilium Tridentinum dicitur. Venetiis in vestibulo Templi D. Marci (x) lapis loquitur quadratus, quid *Papa Alexander III* fecerit Friderico Barbarossæ Imperatori, quod nimirum in terram ibi prostratum Monarcham pede conculcaverit, verbis hæc adjectis; *Super aspidem & basiliscum ambulabis, & conculcabis leonem & draconem.* Quæ hystoria, Sapientissimorum Senatorum jussu dicam, an permixtus (x) denuò depicta cernitur in augustissimo Palatii Ducalis loco, qui Consilium Magnum dicitur, & Justitiæ, quæ Veritatem complectitur, sedes est. Ipsa autem pictura, ut curiositati vestræ satisfaciam, ita se habet: Papa stans, brachiisque à Venetorum Duce & Cardinali quodam suffultis, pede sinistro cervicem Imperatoris gradibus Solii Pontificii incumbentis comprimit, in eumque, quasi Hoc ipsi agendum esset, superbos oculos intendit, maxima hominum multitudine sacram tragœdiam pariter spectante. Sed nos à tam tristi spectaculo ut faciem avertamus, Bononiam proficiscimur, ubi in eorum templo, qui Servorum nomen sibi impoluerunt, urceus monstratur lapideus, haud ineleganter cælatus & duobus manubriis instructus, trium vel quatuor summum mensurarum, isque pro *una ex hydriis Cana Galilæa* venditur; Sed nos fabulæ huic non credimus, qui aliunde scimus, illas longè capaciores fuisse. *Arminum* jam sequitur, Vrbs non tam à nupero terræ motu, quàm à Concilio incluta, quod ibi olim habitum. Vbi autem? difficilis sanè quæstio, quam tribus abhinc annis ne doctissimi quidem

II.
ad notandum An-
tiquitates
Ecclesiasticas

dem è tribus Collegiis Viri decidere potuerunt ; Canonicus autem quidam Ecclesiæ Cathedralis admodum senex respondit, celebratum id fuisse ad moenia eo in loco, qui Italica in lingua *Il Corile della Gagliana* hodiè vocetur. Ita sæpe fit, ut qui exterarum rerum notitiam magno studio sibi comparant, in historia patria hospites sint atque infantes. Haud procul inde pagus est exiguus, at magno insignitus nomine : nam CATHOLICA dicitur, eo quod Arianorum secta invalescente, Catholicis Episcopis aliquandiu refugium præbuit atque domicilium, sicut (7) ex Inscriptione, quam Ecclesiolæ murus prætereuntium oculis subjicit, discere licet. Inde jam ad Urbem pergitur, quæ olim Caput Mundi audivit. Sed ante quàm eam intremus, transeundus est nobis *Pons Milvius*; Tiberino amni superstratus, & vel propterea notandus, quod Constantinus M. Maxentium ibi superavit, & Ecclesiæ Christianæ constantem atque æternam contra Ethnicos persecutores libertatem acquisivit. In ipsa autem Urbe, Deum immortalem! quantis Antiquitatum Sacrarum est numerus! Hic sub Basilica D. Petri considera mihi, Viator Sacer, Ecclesiam à prædicto *Constantino* extructam, & dic, annon hodiernus factus à veteri simplicitate multum differat, recentioresque Pontifices eam sepelire voluisse dicendi sint, quod vastissimam novæ Basilicæ molem superstruxere? Nec prodigalitatibus, sed Cæsareæ Magnificentiz signum est *Baptisterium* ejusdem *Constantini*, quod è vivo & eleganti marmore confectum. Dumque jam vicini sumus Matri Ecclesiarum Romanarum, Basilicæ Lateranensi, age ingrediamur, visuri non *caput Zacharia* Sacerdotis; aut *calicem*, è quo venenum illæsus hausit S. Joannes Apostolus; aut *catenam*, qua victus Romam deductus fuit; aut *indusolum*, quod Maria Virgo filio suo texuit; aut *linseum*, quo Christus Discipulorum lotos pedes siccavit; aut *arundinem*, qua capiti ejus spinea corona impacta; aut *purpuram*, qua amictum Pilatus Judæis exhibuit; aut *spongiam*, quam aceto repletam sitienti carnifices porrexerunt; nec *aquam cruore* permixtam, quæ è Christi latere effluxit; nec *linseum*, quo vultus ejus, cum in sepulcrum conderetur, obrectus; nec *alterum*, quo sursum supplicium perpetiens fuit velatus, nec *menfam*, super qua Paschalem agnum cum Discipulis sumpsit; nec *sanguinem* à Joanne profusum, nec *capita* deniq; SS. Apostolorum *Petri & Pauli*: nam quis de veritate harum reliquiarum nos certos reddat? Sed *Sellam* illam, in qua (ut ex ipsis Pontificiis multi Scriptores consentur)

fitentur) postquam formina Virum mentita, & in Papam electa, fortè in via partum edidisset, Pontificibus recens electis genitalia fuere attrectata, ne scilicet eadem fraus denuò fieret. In porticu quidem Ecclesiæ proximo duæ adhuc visuntur *porphyretica* cum Sede perferata; in quibus, ceu Marcellus refert, Archi Episcopus Corycensis, ex ordine sedit Pontifex, ut acciperet & restitueret claves Laterani; sive (x) ut humilis originis suæ admoneretur, quam etiam ob causam Chorus cecinit: *Suscitans de pulvere egenum, & de stercore erigens pauperem, ut sedeat cum Principibus, & Solium glorie teneat*; Vnde & Sellæ (sit venia verbo) *stercoraria* dictæ. At illa ipsa, quæ ad explorandum sexum adhibita perhibetur, alibi quærenda est, nec à multis inde annis amplius usurpatur, ob eam, credo, rationem, quam Joannes Pannonius Episcopus Quinqueecclesiensis duplici hoc expressit disticho;

Non poterat quisquam referantes athera claves

Non exploratis sumere testiculis.

Cur igitur nostro mos hic jam tempore cessat?

Ante probat quod se quilibet esse Virum.

Quò & illud Marulli pertinet de Innocentio II X. è Cibonum familia oriundo:

Quid queris testes, sit mas an femina Cibo?

Respice natorum, pignora certa, gregem.

Atque nunc quidem nobis sufficiat vidisse Sellas istas duas stercorarias: ex istis enim facile imaginari nobis possumus, qualis nam tertiz illius, quam *Probatricam* appellare liceat, facies atque figura sit. Age igitur, mi Viator, propinquamus nos hinc ad alia observanda. Ex Historia Sacra sine dubio didicisti, in exercitu M. Aurelii contra Marcomannos pugnantis fuisse Legionem Christianorum, quæ precibus per Christum ad verum & unicum Deum fuis sibi & reliquis copiis pluviam ad sedandam sitim, hostibus autem vehementem grandinem, ignem & flumina, quibus perirent, impetravit, inde LEGIO FULMINATRIX dicta: nece latebit, Christianos sub Ethnicis Imperatoribus, dum persecutionum procellæ sæviebant, sub terris latuisse, repertos autem sive beltiis objectos, sive aliis cruciatibus absumptos: scies etiam, *Candelabrum aureum* & *Tabulas Moysi* à Tito Vespasiano è Judæa in Italiam transportatas; & Sanctissimos Christianæ Religionis athletas, *Petrum* & *Paulum*, non in vinculis modò habitos, sed etiam cruce & gladio interemptos esse.

Ecce omnia hæc tibi proponit Roma: nam (aa) historia de Legionē fulminatrice, præclarissimum fidei Christianæ monumentum, in illa vix grandi Antonini Columna, quæ firmo hodiernum pede stat, ab ipsis Ethnicis scalpta est, in qua probè notandum, milites illos Christianos in Scutis suis Signum crucis habere: Ad Christianorum habitationes subterraneas, (bb) Sanctoque Hieronymo, quum adhuc puer esset, & Studiorum causa Romæ degeret, Diebus Dominicis frequentatas, (cc) in & extra Urbem aditus patet: Locus ubi Christiani cum bestis pugnantes ludum idololatris coacti sunt facere, est (dd) Amphitheatrum illud celebre, cujus rudera adhuc miramur: Cæterum ubi tot Martyrum myriades sanguinem & vitam profuderunt, illa est regio, quæ templo D Pauli imminet, & *Campus Martyrum* dicitur: Effigies autem vera (ee) tam Candelabri aurei, quàm Tabularum Moſis marmoris, quo Arcus constat Titi Vespasiani, incisa est: & (ff) Apostolorum carcer ad radices Capitoli, locus autem supplicii, diversus est: nam Petrus crucifixus dicitur aut (gg) in Janiculo, aut in eo Vaticanis loco, in quo deinde pia fidelium manu sepultus est, ac tototarum orbe celeberrima constructa ejusdem Basilica cernitur; Paulus verò capite amputatus (hh) ad Aquas Salvias: Quod dum memoro, pariterque innocentium virorum merita æstimo, sacer quidam horror me invadit; quemadmodum & fieri solet in contemplatione ingentis illius (ii) *Petra Cajetana*, quæ si non dissiliit (ut Pontificii quidam dicunt) in die mortis Christi, quando petreæ Judaicæ omnipotentis Dei manu disruptæ fuere, tamen hiatu suo, quasi aperto ore saxea Christianorum quorundam corda inclamat, increpat atque dilacerat.

• profanas.

Jam si ea spectare placet, quæ Antiquitatum prophanarum numero inferri debent, nihil est, quod Theologiæ alumnus in Itinere Italico jure meritoque desiderare queat. Nam in diversis Italiæ civitatibus, præcipue autem in Urbe, quondam Terrarum Domina, aut propè eam exhibentur *Therma*, *Naumachia* loci, *Circi*, *Theatra*, *Amphitheatra*, *Arcus Triumphales*, *Aqua ductus*, *Columna*, *Obeisici*, *Mausolæa*, *Prætoria* & *Templa Gentilium*, è quibus ferè integra in hodiernum usque diem perdurant duo illa, quorum alterum (kk) Baccho dicatum fuit, alterum Diis ac Deabus Vniversis, Græco nomine (ll) *Pantheon* appellatum. (mm) *Rubiconem*, si lubet, minore quàm Julius Cæsar fecerat, periculo transire potes. (nn) In foro *Ariminensi* lapis erectus tibi dicit, Cæsarem in ipso stantem milites allocutum

allocutum fuisse, eosque ad arma contra æmulos suos capeffenda animasse. *Capuanam* regionem, quæ invictissimum aliàs Ducem Hannibalem deliciis superavit, absque detrimento peragrarelicet, nam inculta est hodiè, atque eremo, quàm voluptatum habitaculo, similior. Pisæ vas marmoreum publicè ostendunt columnæ ophticæ impositum, quod, (oo) ut subscriptus titulus refert, tuit *mensura tributi*, quod Cæsari olim tributaria Civitas pendeat. (pp) *Patavinum Prætorium* custodit (qq) *Cineres Livii*, Historiarum Patris, & (rr) *Lapidem Cessionis Bonorum*, in quo, qui solvendo non erant, nudis natibus sedere: Genua (ss) *Rostro*, quod hodiè in toto Orbe unicum reperias, tanquam incomparabili trophæo superbit, idque armamentarium ingressuris conspiciendum porrigit, quasi omnia, quæ intus sunt, cimelia præ hoc contemneret: & Torcellæ, Venetarum Insularum haut ultima, fenestris templi Cathedralis affixas etiam nunchabet duas sat densas *valvas*, quæ è vivo saxo excisæ sævas Barbarorum irruptiones, quum tormenta bellica nondum essent nata, sanè eludere poterant. Huc fortè etiam quis referret *picturam* illam, quæ in *Palatii Veneti aula*, à quatuor portis nomen ferente, conspicitur, ita quidem, ut Dux Serenissimus folio insidens & Consiliariis suis Senatoribusq; stipatus duos ante se stantes audiat Legatos, quos (tt) vulgò ajunt ab Illustri Magistratu Norimbergenfi, Leges Tutelares petendi causa, missos fuisse. Verùm hoc non nisi humani cerebri figmentum est: petitz enim atque impetratz sunt Leges istæ non per Legatos, sed literis; (uu) nec qui de publicis Venetorum pfecturis peculiarem in lingua Italica librum scripsit, illam de Norimbergenfi, sed de Legatione alicujus Status Veneti interpretatur: Quod sanè cum habitu Legatorum, qui in tabula pfecturæ visuntur, eleganter convenit; amicti enim sunt togis longis, pelliceam simbriam habentibus, quibus Doctores, qui plerumque Oratorum munere funguntur, in illis terris uti solent. Sed quid tam diu de Antiquitatibus Puteolanis & Bajensibus nihil dicimus? Neapoli Puteolos eunti transeunda est illa *Crypta*, quæ à vicina Urbe, *Neapolitana* dicitur: opus sanè admirandum, quo Græci (ut videtur) Cumis habitantes, ut recta Neapolin ire possent, montem Pausilypum ad passus circiter mille perforarunt: Nihil (ut epist. 57. Senecæ verbis utar) *illo carcere longius, nihil illis faucibus obscurius; qua nobis præstant, non ut per tenebras videamus, sed ut ipsas, Cryptæ huic (si Servio & communi hominum relationi credimus) super-*

inpositum est Pöetarum principis *Virgili Sepulcrum*, in quo olim steterunt novem columnæ, supraque eas urna cineres Pöetæ servans, cum hoc, quod ipse sibi fecerat, Epitaphio:

Mantua me genuit, Calabri rapuere, tenet nunc
Parthenophe: cecini Pascua, Rura, Duces.

At omnia pëssum ivere, nuda modò atque informior è lateribus exstructa ædícula superest; & paullo inferius, ubi tamen adhuc prospectus datur in Insulam Capreas & Oceanum, *locus, in quo idem Pöeta carmina* solitus est condere, carmina lauream promerita; unde & ipsa Natura gratitudinis ergò laurum ibi produxit atque etiam nunc conservat. In via Puteolana porro occurrit *Antrum Canum*, in quod immissi canes ubi sulphureum (quem alii pestiferum credunt) halitum acceperunt, velut vertigine obruantur, ut mortui videantur. Remedium autem in propinquo est: extracti enim & lacui *Agnæ* immerfi, protinus vitam, quam videbantur amisisse, recipiunt. *Monti Novo* è cineribus & purnicibus, quos igneus terræ motus anno xxxiix. superioris Seculi eiecit, orto imminent rudera quædam, quam Ciceronis illam porticu & nemore celebratam *Academiæ* fuisse plurimi censent, Plinius verò lictori superstisse scribit: In quo quidem sibi invicem minimè contrariantur: constat enim, mare aliquantum inde recessisse. Heic jam viator postea ab Antiquitatum Interprete, qui ortum suum è Ciceronis familia deducit ejusque nomen gerit, cætera inde ctus & infimæ conditionis homo, egregiè falli potest, (xx) nisi ipsi Autores de iis consulat: Nam *pila illa lateritia, quæ prope Puteolos* in mari adhuc stant, non pontis à Caligula Bajæ usque strati, sed munimentorum portus Puteolani reliquæ sunt; fecit enim ille pontem ex onerariis navibus inter se colligatis, non verò è lateribus aut saxo: Nec *Crypta Sibyllæ*, lacui Averno adjacens, ejusdem habitaculum fuit, quippe quod Cumis erat, sed Cimæriorum potius vatidicorum, aut transitus saltim, fortè à Cumanis factus, ut in plana viâ Bajæ pervenire possent: Nec *Campi Elysii* illi sunt, qui juxta Mare Mortuum si ve portum Julii monstrantur; nam in Cumano agro quærendi sunt: Nec *Centum Cellæ* ergustula fuerunt, in quæ Nero tyrannus homines damnârit, sed cisternæ potius, quibus aquæ vel in potum classiorum, vel ad irrigationem hortorum asservatæ; quem etiam in sinem hauri inde procul facta exstat *Piscina Mirabilis*, 48 pilis inixa, quæ quatuor ordinibus numero quaternario distributæ Symmetriam quin-

am quintuplicis portus per elegantem longitudinem efficiunt : Nec *Mercatus Sabbathi* locus fuit Solis mercatoribus solo die Sabbathi frequentatus, sed Circus, in quo Iudi celebrati : Nec fortè etiam *formix* ille, paululum supra terram exsians, & Sphingum gryphum similitudine animalium insculptis simulacris ornatus, Agrippinae Sepulcrum est. sed particula domus, quam Augusta illa ibi habuit. Vè jam villas præterea in *Pompeji, Marii, Caesaris, C. Calpurnii Pilonis, Hortensii & Vatii*. Nec de *Acheronte* quidquam dicam, ne cum ino-
visse videar. Has & similes alias Antiquitates Peregrinator Sacer rectè, mi fallor, pervestigat : neque enim tantum apud probatos Scriptores, quorum lectio ab ipso requiritur, illarum fit mentio, sed & in Ecclesiâ vel Academia loquenti usui esse possunt. Cate-
rum non volumus, ut Noster ille Antiquitatum studio nimis sit de-
ditus, eosve imitetur, qui rugas & senectutem depereunt, & singu-
la quæque, ut Belgæ calcem, situ & mucore æstimant, quique ad
quodvis Saxum lenio chesum vel arcis rudera moras faciunt, atque
in eorum contemplatione dum diutius attentè & stupentes hæ-
rent, pænè itineris suscepti obliviscuntur. Temporis habenda est ra-
tio, mi Viator Theologicè, idque alia etiam, quæ observari meren-
tur, sibi postulant. Quænam verò illa sunt?

Primum quidem celebriora Naturæ opera : ea enim tibi servi-
unt instar speculi, e quo bonitatem atque potentiam Creatoris sive
ipse perspicias, sive aliis ostendas. Neque eorum penuria est in Ita-
lia, imò ne in ejusdem quidem finibus. Nam in principio statim
expandunt se illa montium juga, quæ vertice suo cælum attingere vi-
dentur, quorumque particula fortè avulsa atque in planum delapsa
magnitudinem domus huius parvæ exæquant. De *Alpibus* me loqui
facile ipsi coniecit. Neque illæ Viatorem statim dimittunt, sed
per integrum octiduum detinent, ut Conditoris magnitudinem in-
de metiens vel in corde suo dicat : *Magnus Dominus, qui hac se-*
cit! Ex *Alpium* carceribus emissum excipit *Lombardia*, post *Campa-*
niam Felicem, quæ meritò Liberi Cæterisque Certamen dicitur, o-
mnium regionum & elegantissima & fertilissima. At jam cautos
atque circumspectos esse nos oportet, prope enim sumus *monti igni-*
vomo, æcus faucibus *Plinius* historicus, dum curiosus inspicere et
raptus atque devoratus fuit. Age igitur, postquam voraginem
Vesuvii huius fumantem vidimus, atque unum alterumque quasi
stomachantis strépitem audivimus, descendamus protinus : Nam
ipse,

III.

ad lustrā-
dum poti-
ora &
præclariora
opera
Naturæ

Sir. 43. 5.

ipse, qui ad radices montis à Pro Rege Neapolitano erectus est (yy) lapis, iugere nos jubet. Sed vereor, ne, dum Charybdis vitare volumus, in Scyllam inciderimus: ecce enim nos delatos in *Forum Vulcani*, quod vulgò *Solfatara* dicitur, *campum circumquaque inclusum superciliis ignitis, quæ passim tanquam è caminis incendium magno cum fremitu expirans.* Viden, Viator, ut solum omne sulphurea arena flaret? ut aurati scrobium margines vivo sulphure rutilant? ut nigro exhalante fumo cœlum obducitur? Audin', ut scrobium alix velut ingentis crepitu flammæ strepunt, alix fervent ebulliente aqua? ut pede pulsata humus reboat? Parum abest, quin credam, nos supra Tartareæ domus tectum consistere, quo rupto mox intera omnis turba detegenda sit: at Purgatorii hunc locum esse, quisquis vult, credat, ego non credo, sciens, fabulam illud esse atque figmentum. Sed quàm horribilis est locus iste, tam salutaris & idem *lib. 31. c. 2.* est: nam originem suam inde lumunt (xx) *Therma Bajenses*, de quibus verè Plinius: *Nusquam largius quàm in Bajano sinu emicant benigna aqua pluribus auxiliandi generibus, alia sulphuris, alia aluminis, alia salis, alia nitri, alia bituminis, nonnulla & acida (assave mixtura; vapore quoq; ipso aliqua profunt: tantaq; eis est vis, ut balneas calefaciant, ac frigidam etiam in solis fervere cogant. Obsonia quoq; percoquunt. Jam generatim nervis profunt, pedibusve aut coxendicibus, alia luxatis fractisve. Inaniunt atque sanant: ulcera. Capiti, auribusq; privatim medentur. Oculis verò Ciceroniana.* Verè ita Plinius: nam nihil istis aquis salubrius esse, quotidiana testatur experientia. Dolendum modò, non omnes earum fontes adhuc esse integros: nã olim affixæ iis erant (aaa) Inscriptiones & imagines lapideæ, quæ virtutes eorum, & qua ratione usurpandi essent, adeò rectè indicarent, ut jam vulgus Medicorum opem negligeret atque huc tanquam ad Æsculapii Sedem feliciter concurreret. Quid autem Medici Salernitani? (bbb) Tres ex iis lucrum suum publicis commodis præponentes, concensa cymba Bajas navigarunt, & imagines pariter atque inscriptiones nocturno tempore confregerunt. Sed ut semper ultio divina malefactoris parata est, ita nec invidi isti atque avari effugere eam potuère: nam quum domum reverterentur, exarsit repentina tempestate pelagus, (ccc) eosq; vivos absorpsit, ut nimirum per aquas punirentur, qui contra aquas peccaverant.

IV.
& Artis

Hactenus de Operibus Naturæ singularibus, à quorum consideratione si vobis videtur è re esse, ut Sacrarum Musarum alumnus se con-

se convertat ad insigniora opera Artium, nulla ferè est terra hac in parte felicior Italiâ: In ea quippe sedem fixit *Architectura*, in ea floret *Pictura*, in ea caput effert *Sculptura*, in ea viget *Musica*, & *Theatrica* in ea regnat. Adeat, qui hæc non credit, adeat modò celebriores Italix urbes, Genuam, Mediolanum, Venetias, Florentiam, Romam & Neapolin, & verum, imò minus quàm par est, me dixisse fatebitur: nam ars dicendi in me tanta non est, ut *Vitruviorum*, *Apellum*, *Praxitelum*, *Orpheorum* & *Terentiorum* Italicorum divina opera satis describere atque celebrare possim.

Neque verò etiam id à me requiritis, Auditores benevolentissimi, quin potiùs aliud argumentum, unde Italici Itineris sacra utilitas probetur, expectatis. Ne igitur expectationem vestram fallam, extra omnem controversiam esse autumo, Theologiæ Studio optimos quosque Concionatores audiendos atque ad imitationem trahendos esse: Habet enim studium Homileticum cum aliis hoc peculiare, quod magis ex auditu & visu quàm lectione discatur: Certè Elocutio, quæ Pronunciationem & Actionem complectitur, atque Anima Orationis habetur, è vivo organo feliciùs hauritur, quàm è præceptis. Iam verò quanquam Germania puriori doctrinæ addicta, atque in ea Vrbs etiam Norimbergensis nostrumque Oppidum habeat Viros, qui in Sacra Eloquentia excellunt, pace tamen eorum dixerim, Italiam hac quoque in parte esse beatiorem. Nec mirum; Etenim quum Nostris sæpè vix dies unus aut biduum suppetat ad Concionem elaborandam memoriæque mandandam; illis non unius modò septimanæ, aut mensis, sed integri anni, imò plurium quandoque annorum spatium conceditur, neque turpe est eandem cramben non bis duntaxat, sed pluries apponere: Ita enim quasi usu receptum est apud eos, ut qui conciones Quadragesimales prima vice in pago habuit, easdem anno sequente in oppido, tertio in urbe mediocris spatii recitet, donec postea in majores, ac denique in maximas transeat. Hinc fit, ut Homilias suas sæpius emendatas, sæpiusque memoriæ infixas felicissimè tandem habere possint, populusque eos tanquam *Augustinos* accuratè docentes, *Hieronymos* graviter admonentes, *Ambrosios* suaviter consolantes, *Hilarios* nervosè refutantes, *Cyrillos* terribiliter fulminantes, *Chrysostomos* flumine orationis abundantes, & *Basilios* commotione affectum corda humana expugnantes, admirabundus audiat, finitæque concione læto susurro, tanquam solenni acclamatione, favorem

V.
Ad concio-
natorum
optimorum
imitationem

C

(ddd)

(ddd) adeo perfectis oratoribus contestetur, & iis quasi triumphum canat. Quum verò tales sint Concionatores Italici, quis vitio verat Homilectici Studii Candidato si eos audiendi, & quantum licet, imitandi causa in Italiam se conferat, præsertim qui jam gnarus est aurum à scoriis, hoc est, puram ab impura doctrina discernere? Quanquam, ut verum fatear, inter eos non desunt, (eee) qui in concionibus suis à fabulis abstinere, atque hoc agunt, ut corruptos hominum mores beneficio Scripturæ & Ecclesiæ Patrum repurgent, vitamque Christianam ac piam è fuga retrahant.

VI.
ad melio-
rem pro-
nunciati-
onem

Atque iidem Oratores Sacri probè scientes, non satis esse, ut Homilia elegans confcribatur, nisi eadem decora exornetur pronuntiatione, in hoc potissimum incumbunt, ut suavissima & distincta pronuntiatione utantur: In quo certè Germaniæ Superioris incolæ (date veniam magis tritum est, quam quod simplicem consonantem pronuntiamus ut duplicem, aut duplicem ut simplicem, b pro p, f pro v, d pro t, & sic vice etiam versa? Quæ & similia vitia corruptæ Elocutionis, magno cum fastidio doctarum & delicatarum aurium audiuntur: quin sæpè obstant, quò minus oratio, quanquam eruditissimè conscripta, ab aliis percipiatur, & scopum attingat Ita, referente communi Germaniæ Præceptore, Philippo Melanchthone, accidit *Legatis VVirtenbergicis*: quantumvis enim viri docti, eloquentes & magna auctoritate præstantes essent, tamen eorum pronuntiatione & peroratio tam crassa & ingrata Cardinalibus & Pontifici Romano fuit, ut indignabundus illos absque responsione dimisisset, re infecta, nisi Capnio veluti interpres suaviore elocutione illorum errorem correxisset, atque delicatioribus auribus satis fecisset. Sed quid peregrinum exemplum repeto, quum domesticum ad manus sit? quod vobis, qui Horas Subcissivas doctissimi Camerarii legistis, non potest non esse notum. Cùm enim Legatus Regis Galliarum Nicolaus Herlæus, D de Sanci, qui in progressionibus Juventutis & distribuendis præmiis in hoc nostro Altdorffio auditor atque spectator adesse non dedignatus erat, à *Patritio quodam Norimbergensi*, tunc adolescente & Classico adhuc, elegante oratione extemporanea exceptus, eique gratiæ peculiare pro honorifica præsentia actæ essent, nihil aliud desideravit Vir Amplissimus idemque eruditissimus, quàm politioem, cultiorem & molliorem pronuntiationem, ita ut diceret, se pleniorẽ sensum eorum, quæ dicerentur, asse-

Cent. 3.
cap. 70.

tur, assequi non potuisse. Equidem facile huic vicio remedium esset, si Præceptores, quibus prima juvenus concredita est, eam ad cultiorem pronuntiationem assuefacerent: Verum hoc non fit, & vix etiam sperari potest, quoniam ipsi malè pronuntiant. Quare apud alios ea tandem addiscenda est; inter quos quum in Italia Oratores Ecclesiastici caput efferant, quantum lenta solent inter viburna cupressi, meritò eos Sacræ Eloquentiæ cultor audiat atque imitetur.

Jam de Linguarum studio quid judicatis Auditores? nonne illud Theologiæ Studio in signè utilitatem præbet, aptumq; reddit, partim ut Sacræ Scripturæ fontes adire, partim ut ejus Versiones inter se conferte, imò & cum peregrinis, qui præter patriam ipsorum linguam nullam aliam callent, agere, eorumque libros evolvere possit? Quorū autem de *Hebræa, Syriaca, Arabica, Græca, Italica, Gallica, Belgica & Anglicana*. Et illæ quidem in pluribus Germaniæ Universitatibus, in ipsa etiam Altdorffina nostra commodè addisci possunt, ubi in Græca & Orientalibus linguis excellentissimos habemus Professores; attamen fateri oportet, eas certo respectu multò felicius excoli in Italia ejusque duabus præcipuis urbibus, Venetiis & Roma, ubi aquas ex ipso fonte bibere, hoc est, Italicam cum Italis, Gallicam cum Gallis, Anglicanam cum Anglis, Belgicam cum Belgis, Græcam cum Græcis, Syriacam cum Syris, Arabicam cum Arabibus, & cum Hebræis tam Orientalibus quàm Occidentalibus Hebræam exercere, si lubet, licet. De *Hieronymo*, inagno illo Ecclesiæ Doctore, notum est, eum in Orientem profectum fuisse, ut linguam Hebræam disceret. Quid ergo? culpandusne erit officii Sacri Candidatus, qui in Italiam abit tot tantasque lingvas si non discendi, saltim perdiscendi & excolendi causa?

Denique si *(fff)* Bibliothecæ publicæ, in qua magnus est & impressorum & manuscriptorum librorum numerus, ad eundæ sunt bonarum sacrarumque literarum Studio, haud scio, an Italia in hisce cuiquam alteri regioni vel tantillum cedat: nam quid venerabilius est illà *D. Marci*, quæ Venetiis? quid nobilior *Ambrosiana*, quæ Mediolani? quid instructius *Laurentiana*, & *Medicea*, quæ Florentiæ? & quid pretiosius *Vaticana*, quæ Romæ est? Quibus hodiè meritò addas, quàm *Cardinalis Barberinus*, Purpuratorum Apollo, in sua domo multis sumptibus erexit, & publico bono consecravit. Dum verò ita notitiam librorum sibi comparabit Peregrinator

VII.
ad Lin-
guarum
studium

VIII.
ad Libros
rum &
Vitorum
de Florum
notitiam
acquirendam

grinator noster, eadem via in amicitiam quoque perveniet magnorum clarissimorumque Virorum: Nam et si Italia non amplius, ut olim, abundat doctis ingeniis, pauca tamen illa, quæ habet, doctissima esse, nemo negare potest. Atque ex iis, ut duo magna lumina inter stellas minores eminent *Octavius Ferrarius*, & *Antonius Magliabechius*, ille Eques & in Athenæo Paravino Eloquentiæ & Græcæ Linguae Professor, hic in florentissima Florentiæ Vrbe Bibliothecarius, ille ob incomparabilem suam alter Cicero, hic ob felicissimam juvenis Principis informationem alter Aristoteles, ille ob gravitatem ac ætatem venerabilis, hic ob summam humanitatem amabilis, uterque ob singularem eruditionem non modò quibusvis Musarum cultoribus, sed Regibus etiam ac Reginis Principibusque Viris magno in pretio habiti. Atque hoc in iis laudandum est, quod, quamvis in tanto æstimationis fastigio constituti & negotiis gravissimis pænè obruti sint, neminem tamen, qui honestas disciplinas colit, liminibus suis arceant, sed quàm maximè curent, ut unumquemque & doctiorem & meliorem dimittant. Jam si Gaditanus quidam Romam profectus fuit, Plinium visendi causa, quantò magis digni sunt Duumviri isti, ob quos etiam Sacrarum Musarum alumnus Italiam salutet, quippe qui non Plinium duntaxat, sed quotquot Græcia pariter ac Latium Scriptores probos in lucem protulit, vasto atque improbo studio suo exhaurere?

Argumentum de
vanitas
vita.

Quando igitur Italicum Iter tam multis modis utile est, nempe ad Ritus & Superstitiones adversarum Ecclesiarum observandas, ad Antiquitatem tam Ecclesiasticam quàm profanam notandam, ad Naturæ & Artis opera lustranda, ad Concionatorum optimorum imitationem, ad meliorem Pronunciationem discendam, ad Linguarum exterarum studium, ad Librorum & Virorum doctorum notitiam acquirendam; nemo erit, credo, qui Theologiæ Studiosum in Italiam, dum sumptus, ætas & occasio finit, iter luscipientem, aut inde reversum, reprehendat, aliisve reprehendendum offerat.

Conclusio. Quisquis autem illuc te confers, vide ut eos fructus, quos descripsimus, imò etiam plures, quàm descripsimus, domum referas. Sunt qui pro auro carbones, pro rosis spinas colligunt, quando delicias ac vicia Italica, quæ nec pauca sunt nec parva, cæco impetu sequuntur; at tu, qui Sacris studiis initiatus es, cave ne quam iis maculam affrices, aures obtura cum Vlyssæ, ne Sirenium cantus te seducant, immune conserva pectus tuum ab omni impuritate, nec quidquam

quam decerpere, quod læticiam bonæ cœnſcientiæ poſſit effuſare: & niſi tali animo inſtructus ſis, proſus ineptum te iudicamus ad peregrinationem, memores ſapientiſſimæ illius legis, quam Baſilius M. Episcopuſ Cæſarienſis hiſce verbis complexuſ eſt: *Peregrè amandetur, qui proficiſci poteſt citra anima ſua detrimentum.* In Patriam reverſuſ ne deſpicias alioſ, qui domi manſerunt, nec vel voluntatem vel occaſionem habent peragrandi terras alio ſub ſole calenteſ; ſed quantum illi interea in otio ſuo præſtiterint, inquire, & ſi quid tu boni didiciſti, eoſque nomine ab iſis regatuſ fueriſ, candiduſ imperti. Denique ſpartam, quam naſtuſ eſ, omni fide ac diligentia orna; rituſ patrioſ ſectare, nec unquam itinera tua jaſta, quia (ut id, quod B. Hieronymuſ de Hieroſolymis ſcripſit, ad metropolin Italiz accomodemuſ) *Non Roma fuiſſe, ſed Roma benè vixiſſe laudandum eſt*; quin eò tandem annitere, ut ipſo opere exprimaſ, quod Romani veteres Hieroglyphica ſtructura templorum Virtutiſ & Honoris indicabant, quæ non niſi unam habebant portam principalem, ita ut in Templum Honoris nemo pervenire poſſet, niſi qui per Templum Virtutiſ tranſiſſet. Virtutem igitur ſectare, mi Viator Sacer, ſed veram & Chriſtianam; ita fiet, ut Honor, iſque veruſ & Chriſtiano dignuſ, ſi non in vita, tamen poſt fata, ſi non apud homineſ, certè apud Deum, te ſit excepturuſ.

Aſcet. c. 44.

ep. 13. Tom.

Atque heic orationi meæ colophonem imponerem, niſi pietatiſ, gratitudiniſ, obſervantiæ atque humanitatiſ debitum priuſ à me perſolvenduſ eſſet. Inſtare jam video diem illuſ, quo initium profeſſioniſ meæ Theologicæ erit facienduſ. Ardua ſanè hæc eſt functio non modò ob ſublinitatem reruſ, quæ tractandæ ſunt, ſed etiam ob inſignem eruditionem atque indeſeſſuſ ſtudiuſ, quibuſ eam ornavit, dum viveret, celeberrimuſ DÜRRIUſ, Affiniſ atque Præceptor meuſ deſideratiſſimuſ. Attamen tu, qui ſpartam illam in me devolvifti, O æterne ac benigniſſime DEUſ, Pater Sapientiæ, vires quoque mihi concedeſ, ut eam ritè obire ſuſtineam; Illumina, quæſo, mentem meam, largire mihi Spirituſ Anteceſſoriſ mei, aut ſaltim aliquantilluſ ejuſ, & fac, ut omneſ laboreſ mei cedant in ſacroſancti Nominis Tui gloriã, ac Studioſæ Juventutiſ emolumentuſ.

A Divino Numine ad Voſ me converto, Dii tereſtreſ, Magnifici, Nobiliſſimi, Maximè Strenui atque Prudentiſſimi Domini SCHOLARCHÆ, liceat enim abſenteſ tanquã præſenteſ venerari) grati.

ri)gratiasque Vobis ago ingentes, quod ad honorificum hoc munus ab Illustri Magistratu, cujus non infima pars estis, mihi decretum me non modo è peregrinis oris vocare, sed & reverlum gratiosè excipere, & plus una vice constantem benevolentiam atque patrociniùm vestrum mihi promittere volueritis: Effecistis hoc ipso, Mæcenates optimi, ut obervantiam atque obedientiam debitam non priùs Vobis sim substracturus, quàm anima corpusculum hoc reliquerit.

Multum quoque Tibi me debere fateor, re & nomine MAGNE FFZERE, Vniversitatis nostræ Procancellarie Magnifice, nam absque tuo consilio demandatam mihi hanc partem non tuisse certò scio. Servet Te Deus felix ac florentem, Tuamque Domum, totius non modò Civitatis, Academiæque & Reipublicæ patriæ, sed aliorum etiam S. Rom. Imperii Statuum Oraculum omni bonorum genere repleat, mihi que facultatem concedat, ut animum Tibi devinctissimum ipso opere exhibere atque demonstrare queam.

Sed ò me felicem, qui è vultibus vestris, PATRES ACADEMICI, omnem favorem atque amorem mihi tam certò polliceri possum, quàm è Solis splendore diei serenitatem! O me felicem, dum eorum lateri admotus sum, qui mihi olim aut Præceptores fuerunt, aut Commilitiones, aut certè auctores, imo è quibus tres ipse etiam Pater meus (cujus anima sit in benedictione!) hoc in loco (ggg) Collegas, atque (bbb) unum ex illis tribus, venerabilem nunc Senem, multisque ingenii monumentis in Rep. literaria celebratissimum, quondam in Philosophia Præceptorem habuit, nec unquam satis laudare potuit. Recipite igitur, Viri æstumatissimi, quando Superis ac Prudentissimo Senatui sic visum est, recipite pro Collega discipulum, & discipuli primùm, deinde etiam Collegæ filium, commilitonem, amicum & cultorem vestrum, & periculum facite, num qua erga Vos in me sit fides, num qua integritas, num quod interveniendi studium. Emoriar, atque indignus sim sacro munere, nisi omnes vires adhibiturus sum, ut me Vobis ex asse probem.

Quumq; Vestri ausa huc venerim, Pereximii atque Ornatissimi DNN. STVDIOSI, Sacrarum literarum Alumni, nimirum ut in Theologiæ studio & publicè & privatim vobiscum me exerceam, nolite dubitare, me omnem operam daturum, ut officium seduli atque fidelis magistri impleam, vosque ad munera sive Ecclesiastica

sive

sive Academica, quantum in me est, & officii mei partes permittunt, aptos atque idoneos reddam. Si quid grati etiam reliquo Nobilissimorum Personarum Cœtui, sive Civilis Prudentiæ, sive Artis Salutaris, sive Sapientiæ caltra sequantur, præstare poterò, illud omnino bona fide iis jam offero, ac suo tempore lubens lætusque præstabo.

DIXI.



NOTÆ.

Ad pag. 4.

(a) *Levi sculptura*) quam *Itali mezzo rilieuo* appellant.

Ad pag. 5.

(b) *Sigillum*) Figuram istiusmodi Sigilli sive Panis Sancti duplicem delineatam damus in Tabula sub numero I. Confer de hoc & sequentibus Goari Not. in S. Chryl. Incomi Missam, & Zimmerm. lib. *Fiunt non nascuntur Christiani* pag. 342.

(c) *Lanceam*) Figura II. eam tibi exhibet.

(d) *In Sancto Disco*) Eum repræsentat Figura III. ubi notabis majorem illam panis particulam, quæ ad dextram Sigilli est, positam esse in memoriam B. Virginis Mariæ, reliquas novem ad sinistrum latus in honorem Sanctorum, inferiorem majusculam pro Sacerdote, & minusculas pro ejusdem vel demortuis, vel adhuc viventibus amicis & consanguineis.

(e) *Asteriscum*) sive stellam, quam exhibet figura IV.

Ad pag. 6.

(f) *Flabellum*) Figuram ejus vide sub numero V.

(g) *Cochlearis parvulus*) quod figura VI. expressum est.

Ad pag. 7.

(h) *Creationes* sive *Sanctorum* sive *Beatorum*) Illæ Canonizationes, hæc Beatificationes proprie dicuntur. *Canonizationem* hæc præcedunt: 1. Regis cujusdā pro Canonizando, qui ante 50. aut minimum 40. annos demortuus sit, reiterata petitio. 2. commissio ad formandum processum. 3. Inquisitio in vitam & gesta Canonizandi. 4. Relatio commissionum. 5. Relatorum in Consistorio examinatio. 6. Examinatorum, an Miracula mereantur appellari, sine quibus nulla Canonizatio.

Canonizatio procedit, discussio. 7. Secreta Consistorii decisio. 8. Canonizationis publicam manifestatio. 9. Temporis, quo Canonizatio peragi debet, determinatio. Ipsa autem peractio publica solennitatis sit impensis Regni illius, in quo natus fuit. Solennitatis concomitantia sunt Genuflexio & Oratio pro evitando errore, & ut Deus corda illuminare velit tam Papæ quam Cardinalium; item Canonizati Publicatio cum Recitatione illius miraculorum, & Offertorium, quo Papæ præsentantur candelæ albæ cereæ, vinum in doliolo argenteo inaurato, panes & turtures in cavea. Fit etiam Celebratio Missæ in ejus honorem, & demum Ascriptio in Matriculam Sanctorum, & Suspendio Vexilli in Ecclesia D. Petri.

Beatificatio in hoc distat à Canonizatione, quod nec tot solennia, nec ita accuratum processum requirat, nec universalem, sed solum in particulari loco determinatum tribuat honorem. Vtraque non nisi à Papa conceditur: In hac quidem, ut Beatus N. appellari possit, & certo tempore ac loco Officium Missale illius celebretur memoriæ, *Sprengerus in Roma Nova p. 114. 115.*

Anno 1675. qui erat Jubilæus, d. 21. Apr. sive Domini. a in Albis, *Joannis de Cruce*, Hispani, ex ordine Carmelitarum discalceatorum, Beatificatio fiebat hoc modo: Positis in Choro Basilicæ D. Petri ritè organis, dum Musicus concentus personabat, Clerici cum Cardinali quodam sacris vestibus & mitra instructo solenni pompa templum ingrediebantur, & in prædicto Choro omnibus confidentibus, unus illorum consensu suggestu, qui inter duo organa positus erat, Bullam Pontificis clara voce prælegebat, huius tenoris: Satis jam notum esse, quod Joannes de Cruce Hispanus vir fuerit valdè & doctus & pius. Non dubitare igitur Papam, illum ob virtutes tam Theologicas quàm Morales in cælo cum reliquis Electis jam triumphare; rogatum autem eo nomine ab Hispaniarum Rege, ut prædictum Joannem de Cruce in numerum Beatorum referret, eundem jam pro tali declaratum velle & potestatem facere, memoriæ ipsius altare in tribus locis erigendi. His dictis, extra templum, ut manifestatio Beati latè per Urbem innotesceret, ignis subdebatur vasculis pulvere tormentario plenis, & velo pariter à pictura, in qua novus Beatus genibus flexis in habitu orantis extabat, remoto, populus omnis in genua procidebat, cumquæ adoratione venerabatur.

(i) *Agnus Dei*) Placeat ulx illæ contra omnia mala Diabolica conferre

conferre creduntur. Consecrantur à Pontifice anno sui Pontificatus primo, & quovis postea Septennio. Nimirum postquam ille privatim cum aliquibus Cardinalibus peregit officium Missæ, petit Cameram Benedictionis, in qua indutus amictu, cingulo, stola & mitra, consecrat aquam, & Cardinales sacras monetulas in eam injectas extractasque detergunt, rursus deinde à summo Pontifice benedicendas. *Sprenger* in Roma Nova p. 118. Anno 1675. d. 18. Apr. (erat Dies Jovis post Dominicam Resurrectionis) fiebat secunda vice hæc ceremonia à solis Cardinalibus, qui albo linteo cincti cochlearia haud parvæ magnitudinis argentea tenebant, quibus placentulis illis aquam consecratam affundebant. Scilicet hoc erat Agnos Dei lavare.

(k) *Rosa & Gladii benedictionem*) In quarta Quadragesimæ, Rosa, & in nocte Natalis Domini, à Papa benedicitur Gladius, ut hoc magnos Reges, Rosa verò Reginas & Principes matronas donet. Ad Casal. de Ritib. Vet. Christian. p. 336

(l) *Anni Jubilæi*) Qui vigilia Nativitatis Domini inchoatur, & finitur eadem vigilia sequentis anni. Bonifacius II. anno M CCC. primus Jubilæum instituit quolibet anno centesimo, & visitandas proposuit Basilicas Divorum Apostolorum Petri & Pauli. At Clemens VI. anno 1350. statutum illud mox abrogavit, & centesimum in quinquagesimum contraxit, adjiciendo ulterius Ecclesiam D. Joannis Lateranensem. Denique Sixtus IV. anno 1475. Jubilæo annum vigesimum quintum posuit, adjecta ulterius Ecclesia D. Mariæ Majoris. Atque hic ultimus annorum numerus hætenus à Pontificibus observatus est, celebrante Jubilæum Clemente II. anno 1599. Urbano II. anno 1625. Innocentio X. anno 1650. & Clemente X. anno 1675. Atque hodiè visitantes ad VII. Ecclesiarum (de quibus infra) astringuntur accessione.

(m) *Excommunicamur*) Eodem, quo nos excommunicamur, tempore Papa populo suo solennem dat benedictionem, quemadmodum etiam facere solet die Resurrectionis, & festo Ascensionis Christi. Ubi quidem notandum, id quod de loco hujus ceremonie diximus, esse nimirum porticum Basilicæ D. Petri, intelligendum esse de hodiernis Pontificibus: priores enim aliis in locis eam peregerunt, in porticu scilicet vel palatii Pontificalis, vel D. Petri in vinculis, sive D. Marci, sive D. Joannis, quem ultimum Sixtus V. specialiter benedictionis in usum extruxit.

(n) *Nummo aureo & argenteo*) Argentei figuram, quæ quidem cum aurei figura coincidit, æri incidi curavimus sub num. VII.

(o) *Porta sanctæ*) Hujus, apertæ tam in faciem ostendit nummus alter, inter Figuras locum tenens LIX sive ultimum. *Sancta* dicitur à Salvatore nostro, cui Hierosolymis sæpius transitum præbuisse dicitur. Sunt quidem & alibi Portæ Sanctæ, nempe in Ecclesia D. Pauli, D. Joannis Lateranensis, & D. Mariæ Majoris, sed in hoc est differentia, quod Paulina à Decano Cardinalium, Lateranensis, & Mariæ à templorum istorum Archipresbyteris, sola autem Petrina sive Vaticana ab ipso Pontifice aperitur. Ubi hæc observantur ceremoniæ. Vigilia nativitatis Domini nostri Pontifex per aliquot conclavia quum pedibus incessit, sumitur pro more à Satellitibus suis, conspiciendus in Sella sua ordinaria. Processio fit cum toto Clero; principales albo amictu incedunt, cereum candidum ardentem portantes, qualem & ipse Papa gerit, in dextra habens annulum Pilatoris. Vbi ad portam appropinquat, resumpto prius quietis interstitio, in genua procumbit, in præsentia sui Patris Confessoris, preces aliquas fundens; quo facto resurgit, capitque malleum aureum, & eo portam ter percutit, intra templum dispositis, qui ad portam diruendam atque in terram deiciendam parata habent instrumenta. Ad primum ictum altius Papa ita loquitur: *Aperite mihi portam Justitiæ*. respondet Capella: *Ingressus eam confitebor Domino*. Ad alterum sonum: *Introibo domum tuam Domine*, recinente Musicâ: *Adorabo ad templum sanctum tuum in timore tuo*. Peracto tertio & ultimo pulsu, ita finit Papa: *Aperite portas, quoniam nobiscum est Deus*. Cum responderunt modulantes: *Qui fecit virtutem Israel*, ruit porta, minutim contracta. Tum, tradito malleo aureo alicui à suis, Pontifex operto capite templum ingreditur, interque eundem recitat illa verba: *Domine exaudi orationem meam. Hæc est dies lætitiæ, quam nobis fecit Dominus, jubilemus & exultemus in illa*. Quod dum fit, omnes reliquæ Templi portæ clausæ sunt, populusq; superstitione cæcus catervatim ruit in lapides, ut ex his in memoriam Annialiquos tollere, & sacræ sequentis ævi recordationi relinquere possit. Interim vexilla in apice muri Castelli S. Angeli volitant, tormenta que exploduntur bellica. *Sprenger in Roma Nova p. 124. 125.*

(p) *Ecclesia veteris Doctorum*) Quorum quidem statura non est ea, quam habuerunt, sed longè major & Colossifera.

Ad pag

Ad pag. 8.

(q) *Septem Templorum visitationes*) Sunt illa S. Petri, S. Pauli, S. Mariæ Majoris, S. Joannis Lateranensis, S. Crucis in Jerulalem, S. Laurentii extra Urbis mœnia, & S. Sebastiani: pro quo ultimo, quia nimis est remotum, nec faciliè ab omnibus uno die adiri potest, à nonnullis indultu atque privilegio Pontificis visitatur Ecclesia S. Mariæ Populi.

(r) *Processiones solennes*) Multæ quidem earum fiunt singulis annis, plurimæ autem & maximè conspicuæ anno Jubilæo. Nam ipsi non solum Prælati & aliæ personæ illustres, sed Cardinales etiam, mandato quidem atque autoritate Capituli ipsorum, Papæ, peregrinis recipiendis obviam eunt, nec baculo minùs quam habitu Peregrinantium sumpto, eos solenniter in Urbem, ejusque aliquod Xenodochium comitantur. Iidem cum Principibus viris eodem sacco amicti nocturnis Hebdomadæ Sanctæ processionibus adsunt, easque à cereorum ardentium copia & ingente, sæpè crystallinorum, Candelabrorum machina pompæq; satis jam illustres, illustriores reddunt.

(s) *Scalam Sanctam*) Quæ marmorea est, & duo de triginta graduum, ducens in Sacellum D. Laurentii, inter appendices Basilicæ Lateranensis numerandum, & à sanctis Reliquiis, quas continet, imprimis autem ab effigie, quam Pontificii à D. Luca delineatam, ab Angelo autè perfectam credunt, *Sancta Sanctorum* appellatû. Scala illa Hierosolymis, ad ædes Pilati fuisse, & Christus per eam tractus, eandemque sanguine è vulneribus rorante imbuisse dicitur. Cernere sane adhuc guttas aliquot licet sub crâte ferrea: itaque pedibus calcare locum nefas; genibus nixi reptant per gradus, concessasque à Pontificibus indulgentias merent. *Psalumern* in Mercur. Ital. p. 236.

(s) *Ædicula Lauretana*) Asservari in ea creditur & monstratur ferè quotidie patina, è qua cibum sumserit Maria virgo; & panniculus vestis Ejusdem, rubei coloris, ejusque & materix & texture, quam Itali *Ciambelloso* nominant.

Ad pag. 9.

(t) *Congregatione*) Depicta illa est in spatiosa tabula, quæ in Choro templi Cathedralis suspensa.

(u) *Lapis loquitur quadratus*) Exiguus is est, soleam pedis humani vix

ni vix superans, operis tessellati & varii coloris. Ibi ajunt Alexandrum III. Friderici Imperatoris cervicem pede compressisse: Quam historiam, ceu veram, prolixè defendit apud exteros æquè, ac in Patria nostra celeberrimus D. *Wagenfeil* disput. VII in Jus Publicū p. 17.

(x) *Denuò depicta* à Zuccaro quodam, & quidem (si rectè memini) sub finem superioris Seculi; prout ipsius artificis verba, picturæ subjecta, indicant; quæ tamen mihi jam non succurrunt.

Ad pag. 10.

(y) *Ex Inscriptione*) Quæ ita habet:

Anno reparatæ Salutis CCCLIX.

Libero Pontif. Max. Constantio

Imp.

Cum hæreticorum fraudibus ingemiscens orbis
terrarum

Se Arrianum esse miratus est

Ex quadringentis Episcopis ad Synodum Ari-
minensem convocatis

Perpauci Orthodoxi in hunc lo-
cum ventitantes

Vt seorsim ab Arrianis sacra facerent

Et Catholica Communione Catholicos im-
pertirent

Occasionem præbuerunt ut Vicus ipse Catho-
lica nuncuparetur

Cujus nominis rationem ac totius
rei gestæ memoriam

Cæsar

Cæsar Cardinalis Baronius Anna-
libus Ecclesiasticis inseruit.

Bernardinus Cardinalis Spada

Ad peregrinantium pietatem erudiendam
Amoremque suum erga Patriam Provinciam
testandum

Hoc posito marmore indicavit.

Anno Domini MDCXXXVII.

Ad pag. 11.

(2) *Humilis originis sue*) Ita existimat *Casalius* de Veter. Sac.
Christian. Ritib. pag. 321.

Ad pag. 11.

(2a) *Historia de Legione Fulminatrice*) Qui eam cernere cupit,
adeat vel *Baronii Annales*, vel *Casal.* de Urbis ac Rom. olim Imp.
Splend. p. 48. utrobique enim æte exculam reperiet.

(bb) *Sanctog. Hieronymo*) Ita n. ipse scribit Comment. in' Ezech.
c. 40. *Dum essem Roma puer & liberalibus studiis erudirer, solebam
cum ceteris ejusdem ætatis & propositi, diebus Dominicis sepulcra A-
postolorum & Martyrum circuire, crebroq. cryptas ingredi, quas in ter-
rarum profunda defossæ, ex utraq. parte ingrediens sum, per parietes
habere corpora sepulcorum, & ita obscura sunt omnia, ut propemodum
illud propheticum compleatur: Descendunt ad infernum viventes, & Psal. 14.
raro desuper lumen admissum, horrorem temperet tenebrarum: ut non
tam fenestra, quam foramen dimissi luminis puer: rursusq. pedeten-
tim acceditur, & caca nocte circumdatis, illud Virgilianum proponi-
tur: Horror ubique animos simul ipsa silentia terrent.*

(cc) *In & extra Urbem*) In Vrbe sub Basilica D. Petri, extra Vr-
bem, ad S. Agnetem, ad S. Priscillam, ad S. Pancratium, & ad S.
Sebastianum.

(dd) *Amphitheatrum illud celebre*) Notandæ in eo sunt duæ In-
scriptiones à Clemente factæ, quarum una picturæ Martyrum, cum
ramis palmarum inter leones & tigres genibus innixorum, subjecta
hæc est:

D 3

Amphi-

NELL' ANNO DEL SIGNORE LXIX. DEL PONTIFICATO
DI PIETRO XXV. E DELL' IMPERIO DI NERONE
XIII. QUESTA È LA PRIGIONE TANTO CELEBRE DO-
VE I SS. APOSTOLI

PIETRO E PAOLO F VRONO TENUTI IX. MESI
FINO AL GIORNO DEL LORO MARTIRIO.

Hoc est:

ANNO DOMINI LXIX. PONTIFICATVS PETRI XXV.
ET IMPERII

NERONIS XIII. HIC EST CARCER ILLE ADEO CELE-
BRIS, VBI SS. APOSTOLI PETRVS ET PAVLVS CVSTODI-
TI FVERVNT IX. MENSES VSQVE IN DIEM IPSORVM
MARTYRII.

Et paullo superius literis majusculis hæc leguntur verba:

C. VIBIVS C. F. RUFINVS M. CO C-
CEIVS M. F. NERVACVS. EXS. C.

(gg) *In Fasciculo aut in eo Vaticani loco*) Consule de hoc Paulum
Aringum in Roma Subterraneis.

(hh) *Ad Aquas Salvias*) Hodie Tres Fontes dictas, qui quidem (si
Pontificis credimus) quum abscissum à cervice caput S. Apostoli
ter saliens ter humum pulsasset, simul erupere. Idque etiam titulus
frontispicio Ecclesiæ ibi conditæ impositus indicat: S. PAVLI
APOSTOLI MARTYRII LOCVS VBI TRES FONTES MIRA-
BILITER ERVPERVNT. PETRVS DIAC. CARD. ALDO-
BRANDINVS S. R. E. CAMERARIVS. A. D. M D I C.

*Primus eorum dulcius lactis saporem aliqua ex parte red-
dit; ceteri quamvis haut longè à primo distens, paullo diver-
sior gustus saporem afferunt. Cujus rei et ratio solet afferri, quod
ipso primo fluxu lac vena dederunt, ac deinde Sanguinem. Ita qui-
dem de iis scribit Cæsar Cardinalis Baroniùs in vasto Annalium
Ecclesiasticorum opere ad A. C. 69. n. 13. Sed profectò nimis delica-
ti sit & præjudicio corrupti palati necesse est, qui aquas illas diversi
saporis sibi persvadeat. In ead. Ecclesia extat etiam columna mar-
morea, cui ferendum caput D. Apostoli imposuisse narratur. Imò
& hæc Epigraphe in ea legitur:*

: Columnæ

Columna
supra quam decapitatus
S. Paulus Apostolus.

(ii) *Petra Cajetana*) Ex Vrbe Cajeta in arcem ascenditibus & inde ulterius progressis occurrit primum Ecclesia S. Trinitatis, mox Capella aliqua, cujus paries Spectatoribus, antequam ad Petram admittat, hanc dat parænesin;

Rumpe cor, O mortalis homo, velut ardua rupes (rumpitur)

In ara Crucis compatiare Deo.

O hominum durum genus, ardua saxa debiscunt:

Saxea corda hominum stant moriente Deo.

Vna fuit quondam hac rupes, nunc dissita; Montes

Exitum Domini cum gemuere sui.

Durior es saxis, serior feritate ferarum,

Sin lacrimis cernas hoc pietatis opus.

E Capella ista egressos excipit maximæ altitudinis, sed disrumpa-
atque adeò horrida & formidabilis aspectu petra, perque fauces
ejus in Scala lapidea nigra descenditur in alteram Capellam, imma-
ni Saxo illi impositam, quod revulsum à summo fastigio quum rue-
ret præceps, impactum hiantibus rupibus ac retentum inter inæqua-
biliter eminentes scopulos fuit; ubi etiam hodiè suspensum hæret,
minaturque identidem ruinam, nec ruit. Atque ut loco major re-
ligio concilietur, vestigium manus in petra illa monstratur, increduli-
tatis signum: Ajunt enim fuisse nonneminem, qui adduci non po-
tuerit, ut crederet, petram Christo patiente dissiluisse, quin manu ad-
mota atque infixæ dixisse; Tam hoc verum est, quàm figuram ma-
nus meæ in caute remanuram. At dictum, factum; nam lapidem
durissimum instar ceræ collique scentem vestigium manus impressæ,
ita ut videtur, retinuisse. Quare & distichon hoc ei adscribere
haut sunt veriti:

Improbamens verum renuit, quod fama fatetur

Credere; at hoc digitis Saxa liquata probant.

Magnum sane hoc, ni fictum, miraculum!

(kk) *Ænecho*) Hodiè templum hoc S. Constantiæ, quæ sub altari
majore sepulta, consecratum est. Habet formam rotundam, æquæ
ut Pantheon, 24. Columnas, quæ horas diei, 12. fornices, qui men-
ses, & 4. portas, quæ anni partes denotabant. Lacunar multo ope-
re vin-

re vindemianæ veterum quasi in tabula exhibet. Extant ibi etiam duo Candelabra marmorea levis Sculpturæ, & virum altitudine æquantia, idololatriæ paganæ haud contemnenda monumenta. Et extra templum rudera Theatri Bacchi, in quo Bacchanalia celebrata.

(II) *Pantheon*) Quid de eo notandum sit, duæ illæ Inscriptiones docent, quæ in vestibulo Templi hodie leguntur:

Vrbanus VIII. Pont. Max.

Vetustas ahenei Lacunaris

Reliquias

In Vaticanas columnas &

Bellica tormenta conflavit

Vt decora inutilia

Et ipsi propè famæ ignota

Fierent

In Vaticano Templo

Apostolici Sepulchri ornamenta

In Hadriana arce

Instrumenta publicæ Securitatis.

Anno Domini M DC XXXII.

Verùm tantum abfuit, ut hoc factum omnes approbârint, ut potius Pasquinus Vrbanum, nescio an satis urbanè, correxit, & tale isto, jam omnibus notissimo, perfricuerit:

Quod Barbari non fecerunt,

Fecerunt Barberini.

Altéra Inscriptio ita habet:

Pantheon

E

Edi-

Ædificium toto terrarum orbe
Celeberrimum

Ab Agrippa Augusti genero
Impiè Jovi ceterisque mendacibus Diis
A Bonifacio II. Pontifice
Deiparæ & S. Christi Martyribus piè
dicatum

Vrbanus VIII. Pont. Max.
Binis ad campani æris usum
Turribus exornavit

Et nova contignatione munivit.

Anno Domini MDCXXXII. Pontif. IX.

(mm) *Rubiconem*) Duplex ibi Inscriptio, Vetus & Nova : Vetus
his concepta est verbis:

*Jussu mandaturve P. R. Cos. Imp. Trib. Mil. Tiron. Commiliton.
Armata quisquis es Manipulariæve Centurio, Turmeve
Legionaria, hic sistito, vexillum finito, arma deponito,
Nec citra hunc amnem Rubiconem signa, ductum
Exercitum commentumve traducito. Si quis ergo hujusce
Jussionis adversus præcepta ierit feceritve, adjudicatus
Esto Hostis P. R. ac si contra patriam arma tulerit,
Penateiq; è Sacris penetralibus assortaverit. S. P. Q. R.
Sanctio plebisciti S. Ve C. Ultra hos fines arma ac
Signa proferre liceat nemini.*

Nova hæc est:

Rubiconem ponti subiectum transis Viator
Romano interdicto, Cæsaris ausu
Et adagio Jactæ alex celebratum.

Flumini

Flumini huic stabilem imponere trajectum

Ethnica diu vetuit pavida superstitio;

Catholica nunc suasit secura Religio.

Innocent. X. Summo Pont.

Card. Donghio Legato

Anno MDC L IV.

(nn) *In Foro Ariminensi lapis*) In cujus antica parte scriptum
exstat:

CÆSAR

DICT.

RVBICONE

SVPERATO

CIVILI BELLO

COMMILIT.

SVOS HIC

INFORO AR.

ADLOCVT.

In Postica;

SVGGESTVM

HVNC

VETVSTATE

COLLAPSVM

COSS. ARIMINENS.

NOVEMB.

ET DECEMB.

cI^o I^o IV.

RESTIT.

Ad pag. 17.

(oo) *Ut subscriptus titulus*) Italicis quidem verbis:

Questo è il Talento che Cesare Imperadore
diede à Pisa col quale si misuraua lo censo, che
à lui era dato.

Quæ Latinè versa ita sonant:

Hoc est Talentum quod Cæsar Imperator
dedit Pisis, quo mensurabatur census, qui ei erat
datus.

(pp) *Patauinum Prætorium*) Quo nullum in orbe est pulchrius,
plumbo tectum, nullis columnis tignisque sussultum, latum pedes
LXXXVI. longum CCLVI.

(qq) *Cineres Livii*) Loculus parieti, qui Occidentem spe-
stat, inclusus, marmorea Historici imagine, & his verbis conspicuus
est:

VE
T. LIVIVS
LIVIAE T. F. I.
QVARTAE L.
HALYS
CONCORDIALIS
PATAVI
SIBI ET SVIS
OMNIBVS.

(rr) *Lapidem Cessionis Bonorum*) Habet ille formam incudis, &
hanc pariter inscriptionem:

LAPIS VITVPERII ET CESS. BONORVM.

(ss) *Rostro*) Ne meo iudicio id unicum, quod hodiè reperiatur, di-
xisse videar, haud gravabor Epigraphen hic apponere, qua id deco-
ratur:

VETVSTIORIS HOC ÆVI ROMANI ROSTRVM
IN EXPVRGANDO PORTV ANNO 1597.

ERVTVM
VNICVM HVCVSQVE VISVM
EXIMIA IN RENAVTICA GLORIAE
DICA VERE CONCIVES.

(tt) *Vulgè ajunt*) Ab ista vulgari fama decipi se quoque passus
est

Est P. Rembus Cardinalis & Patricius Venetus: Ita enim scribit i. VII. Histor. Ven. p. 268. edit. Basit. quæ prædixit Anno 1567. *Etiā Norimbergenses, ampla & florens atq; inprimis libera suiq; iuris in Germania Civitas, missis ad Urbem Legatis, exemplum Venetorum Legum à Patribus petierunt: velleg. sese eis uti legibus ostenderunt. quod quidem illis Senatus frequens concessit.* Dup. item autem paucis hinc verbis errorem commisit Vir aliàs magnus & de Clissimus, primum quoniam Legatos à Norimbergensibus missos esse asseverat; deinde quod eos missos dicit non præcisè Tutelares, sed in universum Leges petendi causa. Quem posteriore quamvis rectè corrigat præclarè nominis J. C. tus atque Academicæ nostræ æternum Decus, Scipio Gentilis, alterum tamen de missis Legatis nec ipse effugere potuit; hæc namque ejus sunt verba in Laudatione Funerarij Hier. Baumgartneri p. 13. *Quid Senatus Norimbergensis? eadē mentē ipse quoq; per Legatos publice missos Legum descriptionem ante complures annos à magno illo & sapientissimo Senatu Veneto petivit, atq; ipsam Kempf recepit, tamen si non omnes Leges, ut infinite P. Rembus scribit, non sine laudibus hujus civitatis, sed eas serè, quæ ad tutelam pertinent, ut ego accepi, descriperunt, itq; semper deinceps usq; fuerunt, Tutelari etiam electo constitutoq; Collegio.*

(uu) Nec qui de publicis Venetorum pictariis) Est is Marcus Boschinus, qui libro suo hunc fecit titulum: *Le Ricche Minere della Pittura Veneziana.* Agens ille nel Sestier di S. Marco, in regione S. Marci, de Picturis Palatii Ducalis, & pag. quidem lX. de picturis aulæ quatuor portarum, sic scribit: *Continuamo à godere delle pitture di questa maestosa Sala, e passiamo le finestre, che guardano sopra il Cortile, che troveremo il Serenissimo nel Collegio, che dà l'audienza ad alcuni Ambasciatori dello Stato. & è rappresentato da Carletto Calliari, figlio del gran Paolo Veronese. i. o. Fruamur ulterius picturis regia hujus aula, & transeamus fenestras, quæ præcipiunt in atrium, ibi reperiemus Serenissimam (Ducem) in Collegio, audientiam facientem nonnullis Legatis Status: idq; pictum est à Carletto Calliari, filio magni illius Pauli Veronensis.*

co, qui agit de Thermis Puteolanis, atque hunc habet titulum : *Breve Ragguaglio de' Bagni di Pozzuolo dispersi.*

Ad pag. 16.

(yy) *Lapis fugere nos jubet*) Hanc enim præ se fert Inscriptionem :

Posterius posterius

Vestra res agitur

Dies faciem præfert dici, nudius perendino.

Advortite.

Vicies ab statu Solis nū fabulatur Historia

arsit Vesævus

Immani semper clade hæsitantium

Ne posthac incertos occupet moneo.

Vterum gerit mons hic

Bitumine, alumine, ferro, sulphure, auro, argento,

Nitro, aquarum fontibus gravem

Serius ocyus ignescet pelagoque influente pariet.

Sed ante parturit

Concutitur concutiturque solum

Fumigat coruscat flammigerat

Quatit aerem

Horrendum immugit, boar, tonat, arcet finibus accolas

Emicat dum licet.

Jam jam enititur, erumpit, mixtum igne lacum evomit

Præcipiti ruit ille lapsu, seramque fugam prævertit.

Si corripit, actum est. Periisti.

Anno Sal. 1631. 16. Cal. Jan.

Philippo IV. Rege

Emanuele Fonseca & Zunica Comite Montis Regii

Pro Rege

Repetita superiorum temporum calamitate subsidiisque calamitatis

Humanus

Humanius quò munificentius
Formidatus fervavit, spretus oppressit incautos & avidos
Quibus Lar & supellex vita potior.

Tum tu si sapias audi clamantem lapidem

Sperne Larem, sperne sarcinulas, mora nulla, fuge.

Antonio Suares Mess. Marchione Vice præfecto viarum.

(zz) *Therma Bajenses*) Eas à Barbaris vastatas restituit Henricus III. Imperator Suevus, & Rex Neapolitanus, circa annum Christi 1189. &, ne unquam memoria earum deleteretur, autor fuit celebri tum Poëtæ Siculo, *Alcadingo*, ut cujusq; nomen, & etymologiam atque efficaciam sive virtutem versu complecteretur; quod ille etiam laudabiliter præstitit, sicut libellus ipsius testatur, cujus initium hoc est:

Inter opes operum DEVS est laudandus in illis,

In quibus humana deficit artis opus.

Res satis est dictu mirabilis, horrida visu:

A Phlegetonteo provenit amne salus.

Nam quæ defunctos aqua fervens urit in imis,

Hæc eadem nobis missa ministrat opem.

Cætera cum fictis curentur regna Syrupis,

Balnea quæ curant, Terra Laboris habet.

Vos igitur quibus est nullius gutta metalli,

Quarite, quæ gratis auxilientur aquæ.

Quarum virtutes, & nomina, maxime Cæsar,

Præsens pro mira laude Libellus habet.

(aaa) *Inscriptiones*) Fortè illæ non aliæ fuerunt quàm versus Alcadingi; nullum enim est dubium, Bajanæ thermas initio non tam fuisse destinatas bono publico, quàm delicias præbuisse Principibus Nobilibusque Romanis: nec ullum proferri potest documentum à temporibus Monarchiæ Romanæ usque ad Henricum III. Thermas illas Inscriptionibus fuisse ornatas. Certè invidiam Medicos Salernitanos non prius occupavit, quàm Alcadingus ipsarum virtutes, iussu quidem & auspiciis Augusti illius, pronalaster.

Ad pag. 18.

(ddd) *Ad perfectis Oratoribus*) Nemo existimet me heic prodigum laudis esse: imò verò ingenuè fateor, audisse me aliquot, quorum excellentiam admirari quidem possum, condigno autem encomio celebrare non possum. Neque agre ferent, credo, Concionatores illi inter Christianos eximii, si ipsis annumeremus aliquot etiam Judæos: præterito enim anno, quum festum esset Tabernaculorum, Veneriis duo erant, qui magna cum admiratione auditorum, etiam Christum sequentium, nec ineloquentium, in Synagogis dixerunt, eoque majorem laudem sunt promeriti, quod non literis, sed mercaturæ operam dedissent. Ita ut nihil aliud desiderari possit in his eorumque similibus, quàm ut eloquentiam suam ad meliorem religionem conferrent atque adhiberent.

(eee) *Qui in Concionibus suis à fabulis abstinent*) Inter hos laudandi meritò sunt *Arragonius* Venetus, Sodalitii, nī fallor, Somascorum, *Pallavicinius* Neapolitanus, Societatis Jesu, & ante omnes Fr. *Angelus Vincentius Guinigi* Lucensis, Dominicanus, quorum conciones dignæ essent, quæ typis excuderentur,

Ad pag. 19.

(tff) *Bibliotheca publica*) *Bibliotheca D. Marci* continet libros Petrarchæ & Bessarionis, magni meritò æstimatos. *Ambrosiana* cœpta à S. Carolo Borromæo, & continuata ab ipsius Consanguineo, Cardinali Friderico, multa præclara cimelia custodit. *Laurentiana* initium suum habuit à Laurentio de Medicis, incrementum à Clemente VII. & perfectionem à Cosmo Magno Hetrurix Duce ejusque Serenissimis Successoribus. Abundat libris Græcis, Latinis, Hebraicis, Chaldaicis & Arabicis MSS. tis, nec ipsa minùs, quàm *Medicea* (per quam illam intelligo, quæ est in Palatio M A G N I D V C I S) Bibliothecario gaudet Antonio Magliabechio, ipso *ἡμετέριον βιβλιοθήκη. Vaticana* & proprio thesauro dives, & spoliis Palatinæ sive Heidelbergensis onusta est. Ad ea pertinet Codex MS. tus, hoc titulo: *Biblia Sacra Historica*, Cujus calci adjecti Germanica lingua rhythmī sequentes:

**DODT durch delne Güte
Beschehr uns Rugl und Hute
Mantel und Röck
Gelf und Bock /**

Schaaf

Schaafund Kinder /
 Viel Frauen und wenig Kinder.
 Explice durch den Banck /

Schmale Dienst machen einem das Jahr lang.

Qui quidem communiter Luthero tribuuntur, sed falsò: nam nec manus Lutheri est, nec ille unquam adeò peccavit contra leges Grammaticæ & Orthographiæ, ut indoctus iste, quisquis fuerit, Scriptor: Adde, quod ipse Subbibliothecarius mihi falsus sit, de MSS. tis Lutheri non nisi unicum in tota Vaticana extare, idque exiguum in forma quarta. Illud autem, in quo rhythmi prædicti leguntur, integri folii habet altitudinem. Vnde jam satis patet, quo jure quæve injuria Beatus Vir versuum istorum Scriptor atque Auctor dicatur.

Quum occasione Notæ hujus, Romam iterum delati simus, placet, antequam inde abeamus, aliam Observationem annectere, natam è Bulla Pontificia, quotannis die Viridium recitari solita, qua suprà p. 7. diximus nos excommunicari. Bullam istam in Latino idiomate Pontifex appellat *Literas Processus*; atque inter alia ibi hæc leguntur verba: *Excommunicamus & anathemizamus. ex parte Dei omnipotentis, Patris & Filii & Spiritus Sancti, auctoritate quoque, Beatorum Apostolorum Petri & Pauli, ac Nostra, quoscunque, Hussitas, Wiclephistas, Luteranos, Zuinglianos, Calvinistas, Vgonottos, Anabaptistas, Trinitarios & à Christiana fide Apostatas, & omnes ac singulos alios Hæreticos, quocunque nomine censeantur, & cujuscunque sectæ existant.* Jam mirum alicui videatur, cur Trinitarii Hæreticis accenseantur, si Trinitarii sūt, qui tres in Vna Essentia Divina personas constituentur; hoc enim modo Pontifex se ipse cū sequacibus suis excommunicaret; quoniam cum Ecclesia sua articulo de Trinitate ipsemet subscribit. Atque hoc Argumentum adeò est speciosum, ut quum Nostratium quidam primariis Sacerdotibus inclytæ alicujus in Italia civitatis id objiceret, tempusque cogitandi sat longum daret, illi exinde se extricare non potuerint. Tandem verò ad loquendum

tem credentibus, sed novam illam *Seſſam*, ortam sub Pio IV. de qua Gabriel Vazquez Tom. II. Comment. & Diſſp. in Primâ Thomæ p. 9. ita memoret: *Jam verò, ut refert Sanderus lib. 7. de Viſib. Mon. arch. hæreſi 228. & Præſolus verbo Deitæ tempore Pii IV. ſub anno 1651, orti ſunt Deiſteſcu Trinitarii, quod cum in Deo Tres hypoſtaſes confiterentur, tres perſonas negabant, neſcio quid per Subſiſtentiam intelligentes.* Quò ſi reſpiciat Bulla quoque Pontificia, dubium ſanè ceſſat, atque illa, hac quidem in parte, à magno liberatur abſurdo.

Ad pag. 22.

(ggg) *Pater meus hoc in loco Collegas*) Qui ſunt D. MAVRITIUS HOFFMANNVS cum Botanices & Anatomiz, hodiè Botanices & Chirurgiz, M. JOAN. PAVLVS FELWINGER, tum Logices & Metaphyſ. jam Logic. & Politices, & MATTHIAS KOENIG, olim Græcæ Linguz, nunc & Pæſeos Profeſſor, Viri de ſtudioſa Juventute & Orbe Erudito, quem ſcriptis præclariffimis juverunt, optimè meriti.

(hhh) *Vnum ex illis tribus*) FELWINGERVM, quem Academicæ jam Seniore, cum prædictis duobus, & reliquis etiam Profeſſoribus, Collegis meis plurimùm honorandis, Divina Clementiâ non hujus tantùm Vniverſitatis, ſed totius Reipublicæ Literariæ bono, diu ſervet ac felicitet!

FINIS.

In gratiam BENEVOLI LECTORIS, & ne vacua reſlinqueretur hæc pagina, viſum eſt, ex Inſcriptionibus Romanis recentioribus, duas heic apponere. Quarum altera monumento Alexandri III. Pont. Max. quod ferè in medio Baſilicæ Lateranenſis erectum, ipſiusque & Alexandri VII. Succeſſoris inſignibus ornatum eſt, ſubjecta ita habet:

ALEXAN-

§§§§(43.)§§§§

ALEXANDRO III. PONT. MAX.
NOBILI PANDINELLA GENTE SENIS NATO
QVI DIFFICILLIMIS TEMPORIBVS
EXIMIA PIETATE
SYMMA PRVDENTIA AC DOCTRINA
ECCLESIAE PRÆFVIT ANNIS XXII.
INVICTA FORTITVDINE ATQVE CONSTANTIA
APOSTOLICÆ SEDIS IURA
AVCTORITATEM DIGNITATEMQVE RESTITVIT
ET POST IMMENSOS LABORES
AC SOLICITVDINES PACE PARTA
OECVMENICVM LATERANENSE CONCILIVM
CELEBRAVIT
SANCTISSIMAS DE ELIGENDO SUMMO
PONTIFICE
DEQVE VI ET AMBITV COERCENDO
LEGES TVLIT
THOMAM CANTVARIENSEM ANTISTITEM
BERNARDVM CLAREVALLIS ABBATEM
QVOS VIVENTES AMICISSIMOS HABVIT
EDVARDVM ANGLIÆ CANVTVM DANIAE RE.
GES SANCTORVM NVMERO
ADSCRIPSIT
PLVRIMISQVE ALIIS MAXIMIS REBVS GESTIS
VITÆ DEMVM ET GLORIAE CVRSVM
CONFECIT
ANNO SAL. MCLXXXI. CAL. SEPT.
ALEXANDER VII. PONT. MAX. NOMINIS

Altera in Porticu Ecclesiæ S. Mariæ in Via Lata ,
hæc est:

ALEXANDRO VII PONT. MAX.
LOCVS ANTIQVA VENERATIONE SACER
ET NOBILIS

IN QVO S. APOSTOLVM PAVLVM DIV MORATVM
NON SEMEL VNA CVM IPSO ECCLESIAE CAPITE
S. PETRO

DE REBVS CHRISTIANÆ FIDEI DELIBERASSE
VBIS S. LVCAM EVANGELISTAM ET SCRIPISSE
ET DEIPAKÆ VIRGINIS IMAGINES DEPINXISSE
JAM INDE A PRIMIS TEMPORIBVS TRADITVM
CONGESTV TERRÆ OLIM DEPRESSVS ATQVE
INACCESSVS

FACILI SCALARVM DESCENSV
IMMISSOQVE FENESTRIS LVMINE
PERVIVS FACTVS

PVRGATVS EXORNATVSQVE
PIO FIDELIVM CVLTVI RESTITVTVS EST
ANNOSAL, MDCLXII

CORRIGENDA.

p. 8. l. 26. aliquid.
p. 12. l. 33. obeisci.
p. 13. l. 11. trophæo.
p. 14. l. 34. ergastula.
p. 15. l. 2. Sabbathi
p. 17. l. penult affectum.
p. 18. l. 33. Patrio.
p. 21. l. 13. in marg. Tona.
p. 25. l. 27. 1599.
p. cad. l. 37. Pontificalis.

aliquid
obeisci.
trophæo.
ergastula.
Sabbati.
affectum.
Patrio.
Tona.
1600.
Pontificalis.

